

**Ўзбекистон Республикаси Фанлар академияси  
И.М.Мўминов номидаги Фалсафа ва ҳукуқ институти  
Республика юристлар малакасини ошириш маркази**

**Виктор АЛИМАСОВ**  
**КОНФУЦИЙЛИК**  
**ВА**  
**ШАРҚ ДАВЛАТЧИЛИГИ**

**(жамият ва давлатни бошқаришининг  
фалсафий-ҳукуқий масалалари)**

**«Фалсафа ва ҳукуқ» нашриёти  
Тошкент-2006**

**АЛИМАСОВ Виктор.** Конфуций ва Шарқ давлатчилиги.  
И.М. Мўминов номидаги Фалсафа ва ҳукуқ институти,  
Т.: «Фалсафа ва ҳукуқ». 2006. 56 б.

**Маъсул мухаррир:** Ўзбекистонда хизмат кўрсатган фан  
арбоби, юридик фанлари доктори,  
профессор **Ҳ.Б.Бобоев**

**Тақризчилар:** юридик фанлари доктори **Р.Ж.Рўзиев**,  
юридик фанлари номзоди, доцент **Н.Н.Норпўлатов**,  
фалсафа фанлари номзоди, доцент **А.Кўчкоров**

**Илмий мухаррир:** проф. **К.Норматов**

Рисола Конфуций фалсафий-ҳукукий ва сиёсий-ахлоқий қарашларининг Шарқ давлатчилигига тутган ўрни тадқиқ қилинган. Конфуцийликдаги давлатни оқилона бошқариш, адолатпарвар, инсонпарвар ҳамда хушахлоқ жамият қуриш, ахлоқ ва қонун, жиноят ва жазо, амалдорнинг иқтидори ва маъсулияти, бурчи ҳақидаги кўпгина гоялар ҳукмдорларнинг, аҳли илмнинг дикқатини ўзига жалб этиб келади.

Кўлингиздаги рисола Конфуцийнинг сиёсий-фалсафий меросини ўрганишга бағишлиланган ўзбек тилидаги илк асарлардан биридир.

A 50

Алимасов Виктор

Конфуцийлик ва шарқ давлатчилиги: (Жамият ва давлатни бошқаришининг фалсафий-ҳукукий масалалари) / В.Алимасов;  
[Маъсул мухаррир Ҳ.Б.Бобоев]; ЎзР ФА И.М.Мўминов номидаги  
фалсафа ва ҳукуқ ин-ти, Республика юристлар малакасини  
ошириш Маркази.- Т.: Фалсафа ва ҳукуқ институти, 2006. – 56 б.

№ 227-2006

Alisher Navoiy nomidagi  
O'zbekiston Milliy kutubxonasi

ББК 87.3 (5 Кит)

## Кириш

Хозиргача илм-фан Farb динамизми ва илмий-техник кашфиётларни тараққиёт намунаси деб билади, инсониятни Farbга тақлид қилиб яшашга даъват этади. Шубҳа йўқ, Farb изланишлари ва ютуклари цивилизацияга улкан ҳисса кўшди, уларсиз тараққиётни, ҳаётимизни тасаввур қилиш қийин. Шу билан бирга улар кишида такаббурлик, жаҳон ҳамжамияти яқин йилларда ҳал этолмайдиган глобал инқирозларни ҳам келтириб чиқарди. Масалан, Халқаро Ассоциациялар Иттифоқининг 1991 йили эълон қилган ҳисоботига кўра, бугун инсоният 13 мингдан зиёд глобал инқирозларга рўпара турибди.<sup>1</sup> Агар жаҳон ҳамжамияти ушбу инқирозларни бартараф этиш учун ҳар бирига ўн йилдан сарфласа, улардан ҳалос бўлиш учун 130 минг йил зарур бўлади. Инсониятнинг ўзи эса цивилизацияга қадам қўйганига ҳали б минг йилдан ошмади!?

Хўш нажот қайда?

Машхур инглиз тарихчи-файласуфи Арнольд Тойнби цивилизациялар тарихи ва Farbning «тирик цивилизациялари энг тургун Хитойни ҳам ҳаракатта келтирганини» кузатиб ҳайратли хulosага келади: «Farb (бошқа цивилизацияларни-В.А.) турткилаб уйготишга ва биридан бирини айришига қодир, аммо у ҳаётни барқарор қиломайди, ҳалқларни уюштиролмайди», «инсоният Farb йўлини тутиб сиёсий ва маънавий бирликка эришолмайди».<sup>2</sup>

Инсониятга эса маданиятни бойитадиган, ўзида ранг-барангликни уйғулаштирган бирлик зарур. Бундай бирликка Farb динамизмини Хитой ёки «Farb бўлмаган бошқа маданиятлар»даги анъанавий барқарорлик, муқимлик билан уйғулаштириш орқали эришиш мумкин. Агар ушбу синтезни амалга оширолса, деб каромат қилган эди А.Тойнби ўтган асрнинг ўрталарида, Хитой «дунёга, инсониятга совға келтирган бўларди».<sup>3</sup> Мутафаккирнинг башпорати тўғри чикмоқда. Бугун Хитой тарихийлик ва замонавийликни, Шарқ ва Farbни, шу пайтгача мунофий қаралган цивилизацияларни ўзида уйғулаштириб инсониятга тараққиёт модели, нажот йўли бўлиб қолмоқда.

Хитойда «ҳар бир хитойлик конфуцийчидир» деган нақл бор. У конфуцийликнинг ҳар бир хитойлик қалбida, онгida, ҳаёт тарзida ҳанузгача яшаб келаётганидан дарак беради. Чет мамлакатларда Буюк Устоз таълимотига бағишланган йирик тадқикотлар

<sup>1</sup> Дж. Наплер, Хибино Ш. Мышление прорыва. –Минск, Поппур, 1999.–С.66.

<sup>2</sup> А. Тойнби Постижения истории.–М.: «Прогресс», 1991.–С.597.

<sup>3</sup> ўша жойда.–С.599.



ўтказилган, сон-саноқсиз асарлар чоп этилган. Минг афсуски, конфуцийлик ўзбекистонлик тадқиқотчилар эътиборига тушмаган, «халқни бошқаришда алдашдан холи», «бир бутун халқнинг қадимий анъаналари ва ахлокий принципларини ўзига жо этган» (Вольтер), «кишиларни поклашдек олий эзгуликка ўргатувчи ҳакиқий (улуг) таълимот» (Л.Н.Толстой)-конфуцийлик билан ҳануз ўзбек ўкувчилари таниш эмас. Ўйлаймизки, кўлингиздаги рисола ушбу бўшлиқни бироз бўлса ҳам тўлдиради, деган умиддамиз.

## 1-§. КОНФУЦИЙЛИКНИНГ ИЖТИМОЙ-ТАРИХИЙ ВА НАЗАРИЙ АСОСЛАРИ

Конфуцийликнинг сиёсий-фалсафий ва ижтимоий-ахлокий таълимот сифатида шакланишига қадими Хитой, аникроги Хуанхэ ҳавзасида эр. авв. XI асрда пайдо бўлган Чжоу подшоҳлиги, унда қарор топган ижтимоий муносабатлар, урф-одатлар, жамият ва давлатни бошқариш анъаналари таъсир этган. Айнан ушбу даврларга келиб одам ибтидоий жамоа тузумига хос анъаналардан, ҳайёт тарзидан қутула ва ижтимоий шахс сифатида тарих саҳнасига чиқа бошлади. Шу билан бирга унинг ибтидоий-фуқаровий эркинлиги ҳам тугайди, энди у йирик ижтимоий-сиёсий кучлар, институтлар таъсирида давлат фуқаросига айланади. Агар одамнинг эркинлиги ибтидоий жамоа ҳаётига бевосита таъсир этиш имконида намоён ва макон нуктаи назаридан чекланган бўлса, кейинги тарихий босқичда давлат фуқаросига айланиши билан унинг маконда ҳаракат қилиш доираси кенгайди, аммо эркини, ҳукукини сиёсий институтлар белгилаб берадиган бўлди. Аммо бу ҳали шахснинг давлатга мутлақ қарам, қул бўлганини англатмайди. В.А.Якобсоннинг қайд этишича, энг қадимги Хитой ва қадимги Хитойда ҳали «эркин, тенг ҳукукли фуқаролар» асосий синф эди, «қадимги жамиятнинг тугаши эса... эркин фуқароликнинг тутатилиши билан боғлиқдир».<sup>1</sup>

Чжоу (Фарбий Чжоу) подшоҳлигига Вей дарёси бўйларида дедхончилик қилиб ҳаёт кечираётган чжоу қабиласи асос солади. У-ван қабила аъзоларини ўзи атрофида бирлаштириб, кўшни Инь (Шан) подшоҳи Ди Син устига юриш қиласди. Ди Син мағлуб этилган бўлса-да, У-ван орқага қайтиб кетади. Бу даврда Инь (Шан) подшоҳлиги йирик давлат, ҳатто «шан цивилизацияси»ни яратган ўлка эди. Умуман қадимги Хитойдаги илк марказлашган давлат, шаҳар цивилизацияси Инь (Шан)да пайдо бўлган. Чамаси У-ван улкан давлатни, ривожланган ижтимоий-сиёсий тузумни бошқаришга тайёр эмас эди, акс ҳолда у осонгина босиб олинган ўлкани, ҳалқни ташлаб кетмасди.

У-ваннынг ўғли Чэн-ван даврида Инь (Шан) подшоҳлиги қайта босиб олинади ва унда янги ҳокимият ўрнатилади. Чэн-ван вилоятларни ўз яқинларига, аёнларига, лашкарбошиларига бўлиб беради, улар орқали марказлашган бошқаришни йўлга қўяди. У

<sup>1</sup> История древнего Востока: От ранних государственных образований до древних империй. –М.: Вост. лит-ра., 2004. –С.54.



янги ҳокимиятта итоат этмаган шанларни оммавий тарзда кўчириб, тарқатиб юборади ва ўзига хос ассимиляция сиёсатини олиб боради. Босиб олинган ўлкаларни, вилоятларни доимо солиқ тўлаб туришга, маълум тартибда давлат ерларида ишлашга, ҳарбий юришларда қатнашишга мажбур этади. Бундай усуулардан кейинги подшохликлар ҳам фойдаланадилар.

Чжоуда ван-хукмдор, подшоҳ, монарх ҳисобланган. У давлатни иерархик бир-бирига сарой аёнлари, амалдорлар, маҳаллий мулк, ер эгалари, назоратчилар, солиқ тўпловчилар орқали идора этган. Сарой аёнларининг энг юкориси Цинши-ван бўлган. У «буюк амалдор» деб ҳам аталиб, ҳатто қўшин сардори вазифасини бажарган. Маҳаллий амалдорлар, мулк эгалари (чжуҳоу) ва назоратчилар (чжуцзянь) бевосита ван (подшоҳ)га итоат этган ва сарой кўрсатмаларини бажарган. Эр. авв. IX асрга келиб назоратчилар-чжуцзянь маҳаллий ҳокимият (вилоят ҳукмдорлари)дан тайинлана-диган бўлган. Куйидаги сопол идишларига битилган ван кўрсатмалари буни тасдиқлаши мумкин. «Чу, сенга Чэнчжоу шаҳри мавзе-ларидаги одамлар ҳамда чжуҳоу маҳаллий мулк эгаларини назорат килиш... дъяво-жанжалларни ҳал этиш ва жазолашни буюраман» (Чу гуй битиги). Бошқа бир ёзувда ван маҳаллий амалдорларни, мулк эгаларини ва назоратчиларни давлат манфаатларига хизмат қилишга, марказлашган бошқариш тартиблари ва талабларига бўйсунишга чақиради. «Сиз, чжуҳоу маҳаллий мулк эгалари ва юз байсин уруғи аъзолари йигилган бойликларни газнага топшириш-ларинг лозим, сизлардан ҳеч биринг бошқалар бойлигини ўтиллаш учун варварларга қўшилмаслигинг даркор». Бу шунчаки хабар эмас, балки сарой томонидан ўрнатилган идора усулига, марказлашган бошқаришга итоат этишга, акс ҳолда ван жазога тортишга мажбур бўлишига ишорадир. Фақат марказлашган давлатда под-шоҳ маҳаллий амалдорларни сарой усууларига итоат этишни, йигилган солиқларни давлат газнасига топширишни талаб қилиши мумкин.

Эр. авв. деярли VIII асргача Чжоу давлатида феодал муносабатлари кузатилмайди, аммо бу Чжоу даврида дехкончилик йўқ эди дегани эмас. Тарихий-археологик қазилмалар ва топилмалар Чжоу давлатида кўплаб сув иншоотлари курилганидан, кишлек хўжалигида асосан тарик, бугдой, шоли ва мева-сабзавотлар этиштириш кенг тарқалганидан хабар беради. Бошқоли экинлар оиласаларнинг бирлашиб, жамоа бўлиб ишлашини тақозо этган. Плутнинг пайдо бўлиши билан ерни якка тартибда ишлаш имкони юзага келган. Бу эса феодал муносабатларнинг қарор топишини



тезлаштирган. Янги, феодал муносабатларнинг ривожланиши кишилар ҳаётига, давлатни бошқариш усулларига, турмуш тарзи ва дунёқарашига тарьсир этмай қолмаган. Буни Конфуцийнинг сиёсий-фалсафий ва ижтимоий-ахлоқий қарашларида кузатиш мумкин. Масалан, Конфуций феодал муносабатларига қарши бўлган, у олдинги патриархал ёндошишлар, урф-одатлар, бошқариш анъаналарининг тарафдори сифатида фаолият кўрсатган. Тўғри, Конфуций консерватизми, қарашлари кейинги асрлардаги издошлари томонидан давларга мослаштирилади, модернизациялаштирилади. Аммо Конфуцийнинг ўтмишдан идеал жамият, етук шоҳ, давлат излашга қаратилган «историцизми» (К.Поппер) сакланниб қолган.

Чжоу даврида пул-товар муносабатлари ҳали вужудга келмаган, хизмат ҳақлари натурал товарлар тарзида тўланган. Товар алмаштириш пул муносабатларининг ўрнини босган. Ван амалдорларига хизмат ҳақини ер билан тўлаган. Аммо бу амалдорга ерга хусусий мулк сифатида эгалик қилиш, зарур бўлса, уни сотиш ёки алмаштириш хукукини бермаган. Унинг ерга эгалик хукуки чекланган, яъни амалдор ердан олинган ҳосилга, фойдага эгалик килган, холос. Ван, унинг маҳаллий амалдорлари, назоратчилари ҳадя этилган ерни тортиб олиши ва бошқага хизмат ҳаки сифатида бериши мумкин бўлган.

Чжоу даврида аҳолини сиёсий ва этник нуқтаи назардан қатламларга ажратиш, стратификациялаш бошланган. Айрим манбаларга кўра, аҳолини стратификациялаш олдинги Инь (Шан) давлатида ҳам учрайди, демак, Чжоу подшоҳлари мавжуд анъаналарни давом эттирган, чукурлаштирган. Тўғри, у сиёсий-хукукий механизmlар билан расмий чукурлаштирилган воқелик бўлмаган.

Археологик қазилмалар пайтида топилган Чжоу даврига таалукли бронза идишларида куйидаги битикларни ўқиймиз: «И ўлка-сидаги ван одамларини... ҳамда кишлоқларини [сенга] совға қиласман; етти дъянлик бо<sup>1</sup>, ундаги кишилар... ҳамда эллик эркакни совға қиласман; И ўлкасидан олти юз авомни... ҳамда олти эркакни совға қиласман». Бошқа бир идишда ёзилган: «Мамлакат [ерлари] даги бошқарувчилар [сонијдан тўрт бо, ли<sup>2</sup> табақасидаги кишиларни, извошли ва авомдан олти юз, улар устига яна эллик ва тўққиз эркакни; ўзга қабилаларни бошқарувчи, ван табаалари (ванчэнь), ўттиз бо [улар остидаги] ли табақаларидан минг одамни ҳамда яна эллик эркакни ҳадя этаман». Кўриниб турибдики, ван

<sup>1</sup> «Бо» – ерни (чамаси ван, давлат ерларини) ишловчи отрядлар, кишилар груухлари.

<sup>2</sup> «Ли» – давлат рўйхатидаги кишилар.



ўз амалдорларини (сарой аёnlарини), маҳалий мулкдорларни, ери ишловчилар (бо)ни, табааларни, давлат рўйхатидаги шахслар (ли) ни, оддий кишилар-авомни, извошчиларни, итоат эттирилган ўзга қабила (жун)ларни аҳоли қатламлари сифатида тилга олади. Бундан ташқари шаҳарлардаги ҳунармандлар, савдо-сотик билан шуғулланувчи тижоратчилар, курувчилар, доимий қўшинда хизмат қилувчилар, давлат ихтиёридаги хизматкор оиласлар (чэнь), «И ҳалқидан малайлар» (ипу), «халқдан чиқсан малайлар» (пу) ҳам мавжуд эдики, Ван идораси уларнинг ўзига хос интилишлари, фаолият турлари ва манфаатлари борлигини кўрмаслиги мумкин эмас эди. Ван юқоридаги гурухлар, қатламларни тилга олса-да, улар ҳали ўзига хос сиёсий-хукукий мақомга, ижтимоий мавқега эга бўлмаган. Ҳар ҳолда табақавий бўлнишнинг юридик қайд этилганига, қатламларнинг хукуки белгилаб берилган нормаларнинг ишлаб чиқилганига оид манбалар учрамайди. Шунинг учун ҳам К.В.Васильев, «ушбу ижтимоий-хукукий бирлашмалар (катламлар, гурухлар-В.А.)нинг мақоми давлат ва зироатчилар ўртасидаги муносабатларнинг характеристини ифода этади, аммо зироатчиларнинг шахсан ҳукмдорга наслий итоат этиши эса иқтисодий қарамлик эмас, балки сиёсий муносабатлар натижаси эди»,<sup>1</sup> деб кўрсатади. Бирок, бу қатламлар ўртасида ҳакиқатда ҳам дифференциал фарқлар, белгилар бўлганини, улар хукукий эмас, балки ижтимоий-ахлоқий регуляция қилинганини инкор этмайди. Конфуцийнинг «хукмдор ҳукмдор бўлсин, хизматкор – хизматкор» қоидаси аслида ушбу ижтимоий-ахлоқий регуляцияни қайта тиклашни назарда тутган. Агар К.В.Васильевнинг юқоридаги фикри бошқа манбалар билан тасдиқланса, асосланса, бизнинг, давлатнинг келиб чиқишида ижтимоий-иқтисодий омиллар, мулкдор ва мулксизлар синфининг келиб чиқиши ҳал қилувчи роль ўйнади, деган қаращдан воз кечишимизга тўғри келади.

Давлатнинг мустаҳкамланиши маълум бир сиёсий-фалсафий доктринага таянади. Давлат ўз доктринасини кишилар онгига сингдириш учун бошқариш тизимларини, тарғибий-тарбиявий институтлар ва дормаларни, урф-одатларни яратади. Чкоу давлатнинг сиёсий-фалсафий доктринаси ҳозирги талқиндаги гоя, концепция бўлмаса-да, ҳалқ ҳаёти ва турмуш тарзи, анъанавий тушунчалари, қараашлари, ахлоқ ва дин ҳакидаги тасаввурлари билан боғлиқ эдики, бу унинг ижтимоий-психологик таъсирини оширган.

<sup>1</sup> История древнего Востока. От ранних государственных образований до древних империй. –М.: Вост. лит-ра, 2004.–С.235.



Чжоу давлатининг сиёсий-фалсафий доктринаси, энг аввало Ван ва унинг ҳокимиятини мустаҳкамлашга қаратилган.

Инь (Шан) подшоҳлиги босиб олингач, Чэн-ван ўз ҳокимиятини ўрнатишга ва уни ҳар томонлама мустаҳкамлашга интилиши табиий ҳол эди. Ҳарбий юришлар, у ёки бу ўлкалар (вилоятлар)даги норозиликларни бостириш, марказлашган бошқаришни йўлга кўйиш, хуллас, янги ҳокимиятнинг қарор топиши – Ван ва унинг ҳокимиятини улуғлашни, муқаддаслаштиришни тақозо зо этган. Тўғри, Чэн-ван бу анъанани ҳам Инь (Шан)дан олган. Инь (Шан) эса Хитой халқининг қадимий-мифологик, космологик тасаввурларига таянган. Масалан, Осмон билан Ер ўртасидаги «абадий уйғунлик» концепцияси энг қадимги Хитойда афсонавий хукмдор Фу Си (эр. авв. 2852-2737 йиллар) томонидан саккизта (гексограмма) уч чизиқли (триграммма) белгилар, формулалар тарзida ишлаб чиқилган. Қадимги ёдгорлик «Цзин-фа»да қайд этилишига кўра, хитой жамияти ва давлатини «қонуний яратган символ», Уруғ боши (первопредок) хисобланган Хуанди ўзида Осмон ва Ер талабларини, мақсадларини уйғунлаштирган. Чжоу гун гүй идишларидағи ёзувларда Осмон «Кўкдаги хукмдор» («Шанди»), Ван эса «Ердаги хукмдор» («Сяди») деб аталади. Ҳа, улар мавқеи нуқтаи назардан тенг эмас, Ван «Осмон фарзанди» («Тяньцзи») хисобланади, аммо бу ўринда Ванинг муқаддаслаштирилаётгани, илоҳийлаштирилаётгани аникдир.

А.Ф.Лосевнинг таъкидлашича, муқаддаслаштирилган, илоҳийлаштирилган илк мифологик образлар, «символ»лар кейинги ижтимоий-тарихий босқичларда «ўз атрибути, шакли ва функцияларини ўзгартириб, янги дунёқараашлар билан моҳиятини бойитиб борган». <sup>1</sup> Давлатнинг йирик ижтимоий-сиёсий, ҳарбий, маъмурий институттга, хукмдорларнинг кишилар, ҳалқлар тақдирини ҳал этувчи кучга айланиши билан ушбу мифологик образлар, «символ»лар тарихий шахсларга алмаштирилади, мифологик образларнинг ғайритабиий кудрати ҳам ўша шахсларга кўчирилади. Шу тариқа хукмдорни, подшоҳни муқаддаслаштириш шаклланади. Айниқса, янги шаклланаётган давлат ўз асосчисининг фаолиятини, қараашларини, ҳатто бутун ҳаётини илоҳийлаштиришга интилади. Бундай ҳол нафакат Шарқда, шунингдек, Фарбда ҳам кенг тарқалган.

Конфуций рационал фикрлашга мойил бўлгани учун гексограмма ва триграммма ҳақидаги қараашларни қабул қилмаган. Конфу-

<sup>1</sup> Лосев А.В. Античная мифология в ее историческом развитии. -М.: "Наука", 1957. -С.66.



ций издошлари улардан баҳраманд бўлиб, конфуцийликни илохий таълимот даражасига кўтаришда фойдаланганлар. Шунинг учун ҳам Ю.К.Худкй гексограмма ва триграммалар жамланган «Ўзгаришлар китоби» («Книга перемен») конфуцийликнинг мумтоз асарлари ичida ва хитой адабиёти библиографияси обзорида биринчи ўринда туради»,<sup>1</sup> деб баҳолаган.

Сиёсий-фалсафий доктрина подшоҳ шахсини, унинг хислатларини илохийлаштиришга қаратилган.

Чжоу даврида Ван «осмон фарзанди» сифатида алохида сифатларга эга «дунёда ягона киши» деб қаралган. Осмон билан фақат Ван алоқа қила олади, Осмон ҳоҳиши ва ҳукмини (тъњмин) фақат у бажара олади, «тўрт томон»ни фақат у бошқариши мумкин деган тасаввурлар шаклланган. Инь (Шан) ҳукмдори Осмоннинг ҳукмини бажармагани учун У-ван томонидан мағлуб этилди, У-ван ва унинг авлодлари Осмон ҳоҳишини, ҳукмини садоқат билан адо этганлари учун «тўрт томон»ни бошқариш ҳукукига эга, бу амалини улар «эзгу куч» («дэ») билан бажаради, деб хисоблашган.

Чжоу давлатининг сиёсий-фалсафий доктринасида Ван мулки, ерлари муқаддаслаштирилган, уларнинг дахлсизлигини таъминлаш назарда тутилган. Аслида Ван мулкининг муқаддаслаштирилиши Ван ҳокимиятининг муқаддаслаштирилишидир.

Қадимги ҳалқ маросим кўшиклари тўплами «Шицзин»да Ван Осмон остидаги нарсаларга, ерларга мутлак ҳукмрон экани қайд этилади. «Кенг атрофга ёйилган осмон, лекин осмон остида шоҳга тегишли бўлмаган ер йўқ». К.В.Васильевнинг таъкидашига кўра, «барча ерларни Ванга қарашли қилиб кўрсатиш диний постулат характерига эга ва у асло қадимги хитой давлати ҳукукий назарияси Ванини давлат ерларининг мутлак, эгаси ҳисоблаган деб қарашга асос бўлолмайди».<sup>2</sup> Бу фикрда айрим баҳсли масалалар бўлса-да (масалан, Ванинг ерларни ҳадя этиши ёки ҳадя этилган ерни тортиб олиб бошқага бериши), унда подшоҳ мулкини муқаддаслаштиришга интилиш борлиги тўғри пайқалган.

Чжоу давлати сиёсий-фалсафий доктринаси подшоҳга тақлид қилишга, у шакллантирган анъаналарни, урф-одатларни ва идора усуулларини асрашта ҳамда ота-боболарга ҳурмат кўрсатиб, улар изидан боришини тарғиб қилишга ҳам қаратилган.

<sup>1</sup> Шункий Ю.К. Китайская классическая книга перемен. Ицзин. –М.: «Русское книж. изд-во твор-во», 1993. –С.11.

<sup>2</sup> История древнего Востока. От ранних государственных образований до древних империй. –М.: Вост. лит-ра, 2004. –С.216.



Хукмдорга тақлид килиш, энг аввало унинг кўрсатмалари ва хукмини сўзсиз бажаришни назарда тутган. Ши Юй гуй бронза идишларидағи битикларида қуидагиларни ўқиймиз: «Юй, сен Осмон фарзандининг фуқароси бўлишинг учун [Ван амрини] ўн минг йил азалий сақлашинг даркор». Ши Ху гуй идишларидағи битикларда эса шаклланган анъаналарни, урф-одатларни асрар, сақлаш уқтирилади: «Мен олдинги ванлар хукмларидағи намуналарга таяниб иш тутаман, сенга ҳам ота-боболаринг лавозимини эгаллашни, отни эгарлашни, санчкени тутишга ва кўшинни етаклашга ўрганишни буораман». Чжоу даврида қарор топган ушбу тарихий-маданий тажрибалар ва анъаналардан Конфуций унумли фойдаланган.

Юқоридағилардан келиб чиқадиган хулоса шуки, қадимги Хитойда вужудга келган мифологик, космологик ва сиёсий-фалсафий қарашлар кейинги даврларда, айниқса Конфуций яшаган эр. авв. VI-V асрларда жамият ва давлатни бошқаришга оид турли ёндашувлар, концепциялар ва мактабларнинг пайдо бўлишига замин яратган. Улар Осмон билан Ерни, борликнинг қисмларини ўйғунлаштириш орқали жамият ва давлатни бошқаришда ҳам ўйғунликка эришишни назарда тутган. Ҳатто, Ваннинг, давлатнинг муқаддаслаштирилиши монархни мутлақлаштиришни, унинг фуқаролар устидан якка ҳукмронлигини ўрнатишни эмас, балки ижтимоий ҳаётни Осмон ва Ер ўйғунлигига мувоффик барқарорлаштиришни кўзлаган.

Чжоу марказлашган давлати ва Ван ҳокимияти, шахси улуғланган бўлса-да, маҳаллий мулк эгалари, вилоятлар Ванга солиқ тўлаш, давлат ерларида ишлаб бериш орқали ўзининг мустакиллигини сақлаб қолган, улар ўз ерларини, мулкини ҳатто «ҳокимиятни Ван билан бўлишиб идора этишган». Шунинг учун ҳам К.В. Васильев, «Шан ва гарбий Чжоу «монархия»лари ўзининг сиёсий режимиға кўра деспотия таърифиға тўғри келмайди»<sup>1</sup>, деб ёзади.

Шаклланган анъаналарни, тарихий-маданий тажрибаларни, жамият ва давлатни бошқариш усусларини асрар Чжоу давлати сиёсий-фалсафий доктринасидаги асосий вазифалардан бири эди. Айнан ушбу вазифани Конфуций таълимот даражасига кўтарган ва уни ижтимоий-ахлоқий қарашлар, ёндашувлар билан бойитган.

<sup>1</sup> История древнего Востока. От ранних государственных образований до древних империй. –М.: Вост. лит.-ра, 2004. –С.222.

## 2-§. КОНФУЦИЙНИНГ СИЁСИЙ-ФАЛСАФИЙ ҚАРАШЛАРИ

Конфуций (эр. авв. 551-479 йиллар) Хитой халқи ҳаёти, жамияти ва давлатини бошқаришда чукур из қолдирған сиёсий-фалсафий ва ижтимоий-аҳлоқий таълимот – конфуцийликка асос соглан мутафаккирдир. У ўқиши, ёзиш-чизиши билган, хизматчи-лар тайёрлаш мактаби очиб қўплаб шогирдлар тарбиялаган, этиши-тирган бўлса-да, бирор асар ёзмаган. Унинг сиёсий-фалсафий ва ижтимоий-аҳлоқий қарашлари шогирдлари томонидан 400 йилдан кейин жамланган «Лунь юй» («Сұхбатлар ва мулоҳазалар») тўпламида ўз ифодасини топган. Донишманднинг сиёсий-фалсафий ва ижтимоий-аҳлоқий қарашлари ушбу тўплам орқали ўрганилади.

«Лунь юй» илмий асар эмас. Ундаги фикрлар, афоризмлар Конфуцийнинг жамият ва давлатни бошқаришга, ижтимоий-аҳлоқий масалаларга оид жавобларидир. Конфуций ҳам Будда, Пифагор, Сүкрот каби ўз қарашларини оғзаки баён этишни маъ-кул кўрган. Тўпламда ҳозирги талқиндаги илмий-назарий концепция йўқ, бироқ донишманд яшаган даврда бундай тутгалланган асар яратиш ҳали одат эмас эди. Шунга қарамай «Лунь юй»да жамият ва давлатни бошқариш масалалари ижтимоий-аҳлоқий ёндашув орқали очиб берилганини, донишманднинг сиёсий-фалсафий қарашларида Осмон ва Ер, подшоҳ (хукмдор), халқ (авом) ва шахс (фуқаро) ўртасидаги муносабатларда уйгунилкни таъминлаш асо-сий ўринда турганини пайқаш кийин эмас. Шунинг учун ҳам баъзи тадқиқотчилар Конфуций ғояларини «ижтимоий-аҳлоқий таълимот» деб атайдилар.

Яна бир илмий-методологик аҳамиятга эга нарса шундаки, айрим тадқиқотчилар Конфуцийнинг ижтимоий-аҳлоқий қарашла-ридан вақт ва макон билмас умуминсоний хусусиятлар, белгилаар, сифатлар излайдилар. Бу билан улар Конфуцийнинг ахлоқ, одоб, урф-одатлар ҳақидаги фикрлари ҳамма авлодларга, халқларга, давларга хосдир дейишмоқчи бўладилар. Бизнинг фикримизча, Конфуцийнинг ижтимоий-аҳлоқий таълимотида умуминсоний белгилаар, шубҳасиз мавжуддир. Бироқ донишманд ўз даврининг фарзанди эканини, у етук подшоҳ (хукмдор), шахс, давлат ва олижаноб киши тўғрисида фикр юритганида энг аввало, патриар-хал муносабатлар ҳукмрон бўлган даврдаги ижтимоий-аҳлоқий тушунчалардан, нормалардан келиб чиққанини эсдан чиқармаслик керак. Барча аҳлоқий хатти-ҳаракатлар, ҳатто улар қандай ибора-лар, мақтолалар билан кўкка кўтарилилмасин, идеаллаштирилмасин,



барча авлодлар ва даврларга бирдек мос келавермайди. Бу ўринда ижтимоий-ахлоқий хатти-ҳаракатларни қўллаб-куватлашни мақсад килиб қўйган позитив концепциянинг мавжудлиги ҳам уни оқлай олмайди.

Хўш, Конфуцийнинг сиёсий-фалсафий қарашлари нималарда акс этади?

Биринчидан, Конфуций юзага келаётган янги феодал муносабатларга, ушбу муносабатларни қарор топтиришга қаратилган қонунларга, хатти-ҳаракатларга қарши чиқади. Уларнинг ўрнига ўтмишдаги урф-одатларни, жамият ва давлатни бошқариш анъаналарини, субординация алоқаларини қайта тикламоқчи бўлади. У юз берастган ўзгаришларнинг моҳиятини илғаб олмайди, юзага келган инқирозлардан ҳолос бўлиш йўлларини ўтмишдан қидиради. Бу Конфуций қарашларидаги историизмдир.

«Урф-одатларсиз, – дейди Конфуций, – эҳтиром безовталика, урф-одатларсиз эҳтиёткорлик – қўрқоқликка, урф-одатларсиз дадиллик – ғалаёнга, урф-одатларсиз тўғрилик – дағалликка олиб келади... Мен ўтмишга ишонаман ва уни севаман». <sup>1</sup> Донишманд урф-одатлар ва ўтмиш деганида қадимти Хитой (Фарбий Чжоу)да шаклланган анъаналарни, афсонавий қаҳрамонлар яшаган «олтин аср»ни назарда тутади. Ушбу урф-одатларни, анъаналарни тиклаш жамият ва давлатни бошқариши равон қиласи, авлодлар ўртасида ворисийликни шакллантиради, кишиларни, авомни юқоридагиларга қарши чиқишидан асрайди. Шу белгилари нуктаи назаридан ўтмишдаги урф-одатларни қайта тиклаш ижобий аҳамиятга эгадир. Айнан ушбу қарашдан Конфуцийнинг тарихийлигини барча авлодлар учун, кишилар камолоти учун зарур бўлган ахлоқий-маънавий бойлик сифатида талқин қилиш мумкин. Бироқ ушбу бойлик, ёндашиш негизида ўтмишда қолган патриархал урф-одатларни, анъаналарни қайта тиклашга интилиш мавжудлигини ҳам инкор килиш мумкин эмас.

Иккинчидан, Конфуцийнинг сиёсий-фалсафий қарашларида ўтмиш билан ҳозирни, келажакни, Осмон билан Ерни, подшоҳ (хукмдор) билан ҳалқ (авом)ни, амалдорлар билан фуқароларни муросага келтириш, уларнинг манфаатларини уйгуналаштириш, консенсусда яшашини таъминлаш мақсади муҳим ўрин эгаллайди. Конфуцийнинг феодал муносабатларини рад этгани – унинг янги тузумни ва муносабатларни бутунлай рад этгани эмас. Ҳатто, унинг тарихийлиги негизида мутлақ патриархал даврга қайтиш

<sup>1</sup> Мудрецы Поднебесной. –Симферополь, «Реноме», 1998.–С. 82-88.



эмас, балки ундағи зарурий тарихий-маданий тажрибаларни, жиҳатларни қайта тиклаш орқали мавжуд жамият ва давлатни бошқариш усулларини, шахсни ахлоқий юксалтириш йўлларини излаш ётганини унутиб бўлмайди.

Конфуций кулдорлик-патриархал муносабатлари ўрнига феодал муносабатлари қарор топаётган даврда яшади. Маълумки, жамият бир босқичдан иккинчи босқичга ўтаётганида ижтимоий муносабатларда зиддиятлар авж олиши, консерватив қарашлар билан прогрессив интилишлар тўқнашиши табиий ҳолдир. Конфуций ушбу зиддиятларни, тўқнашишларни юмшатишга интилади ва «олтин оралиқ» («золотая середина»), ҳозирги илмий тил билан айтганда консенсус, ўзаро муроса йўлини тавсия этади. Ушбу йўлни у ижтимоий-сиёсий тузумлар, Осмон билан Ер, подшоҳ (хукмдор) билан халқ (авом) поғоналарида тафсив этади.

Ижтимоий-сиёсий тузумлар поғонасига эски кулдорлик-патриархал ва шакллананаётган феодал тузумлари ўртасидаги муносабатларни уйғунлаштириш, бир-бирига яқинлаштириш киради. Чунцю даврида инкиrozга учраётган қулдор-аслзодалар мавқеини кузатар экан донишманд жамиятда ўзаро муросага келмай, ҳамжиҳат бўлмай яшаш мумкин эмаслигини пайқайди. Унинг олдинги суполалар давридаги урф-одатларни, анъаналарни, бошқариш усулларини қайта тиклаш мақсади икки ижтимоий-тарихий босқич ўртасида антогонистик зиддиятларни авж олдириб архаистик турмуш тарзини қарор топтиришни эмас, балки ўзаро муроса, консенсус орқали аждодларнинг тарихий-маданий тажрибаларидан янги даврда фойдаланишни назарда тутади. Шунинг учун айрим тадқиқотчиларнинг Конфуций «олтин оралиқ» гояси ёрдамида авж олаётган синфий зиддиятларни юмшатишга ва ҳалокатта маҳкум қулдорлик тузумини кутқариб қолишта, «чжоу хулқ-атвор қоидаларини сифат ўзгаришларидан ҳимоя қилишга интилди»<sup>1</sup> деган фикрлари замонавий ёндашишларга тўғри келмайди.

Осмон билан Ер ўртасидаги алоқалар, подшоҳ (хукмдор)нинг «Осмон ўғли» сифатида Ерда «тўрт томон»ни идора этиши негизида илоҳий ва инсоний кучларнинг ўзаро муросада, камолотда яшашини таъминлаш мақсади ётади. Ушбу камолот «дао», «ли» ва «олижаноб эр» орқали йўлга кўйилади.

«Дао» категориясини фалсафага Конфуцийдан сал олдинроқ дунёга келган, даоизм асосчиси Лао-цзи олиб кирган. Лао-цзи «дао» категориясини табиийлик йўли, «ҳеч қандай куч ишлатмас-

<sup>1</sup> История Китайской философии.–М.: «Прогресс», 1989.–С.75.



дан ҳаракат» деб тафсив этади. Конфуций эса уни комиллик, етуклик, Осмон ҳукмини адо этишда олижаноб киши юрадиган йўл маъноларида ишлатади. Демак, Конфуций «дао» категориясига ижтимоий-ахлоқий мазмун беради. Бу унинг бутун сиёсий-фалсафий ва ижтимоий-ахлоқий қарашларига мос келади.

«Ли» категорияси махсус адабиётларда ранг-баранг, гоҳо бир-бирига зид таърифлар берилади. Хуллас, «ли» категорияси махсус тадқиқ этишини тақозо килади.<sup>1</sup>

«Ли» категорияси Конфуций афоризмларида «жамиятда бошқарув, урф-одатлар ва нарсалар тартиби», қонунлар, эзгу хулқатвор қондалари, тартиблар, амалларни бажариш йўллари каби маъноларда келади. Ким дао ва ли талабларига мувоғик жамият ва давлатни бошқарса, у Осмон ва Ердагилар билан камолотда, муросада бўлади. Донишманд назарида ушбу вазифани «олижаноб эр» (етук шахс, комил инсон, подшоҳ – «Осмон ўғли») бажаради, чунки якка у дао ва ли сирларидан хабардор, факат у Осмон талабларини, иродасини Ерда ўрнатиши мумкин.

Конфуций, дао ва ли тартибларининг бузилиши катта кўнгилсизликларга олиб келиши мумкин, деб огоҳлантиради. «Агар, – дейди у, – жамиятда бошқариш, урф-одатлар ва нарсалар тартиби ўрнатилемаса, хеч нимага таяниб бўлмайди».<sup>2</sup> Бошқа бир жойда у дао ва ли тартибларининг ўрнатилишига «олижаноб эр», яъни подшоҳ (хукмдор), юқори табақалар маъсул эканини таъкидлайди. «Агар тепадагилар жамиятни бошқаришда, урф-одатлар ва нарсалар тартибига амал қилсалар ҳалқ уларга ҳурматсизлик кўрсатишга журъат килмайди».<sup>3</sup> Мабодо юқори табақа дао ва ли тартибларини севса, куйи табақа шод бўлса, жамиятда осойишталик ва камолот қарор топади.<sup>4</sup> Демак, дао ва ли тартибларига итоат этиш ва уларни ерда қарор топтириш орқали нафақат Осмон билан Ер ўргасида, худди шунингдек, жамиятда, кишилар ўргасида ҳам камолот, муроса ўрнатилади. Бу аслида Осмон-Ер, подшоҳ (хукмдор)-ҳалқ (авом) погоналарида камолот, муроса ўрнатиш демакдир. Шунинг учун ҳам ўзаро муроса, камолотни донишманд умр бўйи амал қилиб яшайдиган «сўз», принцип деб эълон килади.

<sup>1</sup> Радуль-Затуловский Я.Б. Конфуцианство и его распространение в Японии. –М. Л.: изд. АН СССР, 1947.–С.144.

<sup>2</sup> Уша жойда. 149-бет.

<sup>3</sup> Уша жойда.

<sup>4</sup> Уша жойда.



Учинчидан, Конфуцийнинг сиёсий-фалсафий қарашларида Осмон билан Ер ўртасидаги муносабатлар субординация принципига қурилгани қайд этилади.

Ерда Осмон иродаси хукмрон. Осмон иродасини бажариш Ердаги подшоҳ - «Осмон ўғли»нинг бурчидир. Осмон иродасини билмаган ва унга итоат этмаган олижаноб киши бўлолмайди. «Дао қарор топадими? Бу осмон иродасига боғлик. Дао ҳалок бўладими? Бу Осмон иродасига боғлик».<sup>1</sup> Ҳатто «ўлим ва ҳаёт ҳам Осмон иродасига боғлик, бойлик ва аслзодалик ҳам Осмон кўлидадир».<sup>2</sup> Кўриниб турибдикি, Конфуций Ерни Осмонга, инсонни илохий кучга бўйсундиради, ҳатто қарам қилиб қўяди.

Осмонни илохийлаштириш анъанаси Чжоу давридаёқ бор эди. Конфуций ушбу анъанани давом эттиради. «Олижаноб эр-дейди донишманд, - уч нарсадан қўрқади: у Осмон иродасидан қўрқади, буюк кишилардан ва комил инсонлар сўзларидан қўрқади».<sup>3</sup> Демак, Конфуций «Осмон иродаси» никоби билан «буюк кишилар» ва «комил инсонлар» яратиш орқали кишилар ақлу идрокини ушбу кучларга тўла итоат эттиради. Бу эса айрим файласуфларни «Конфуций ўзининг сиёсий қарашларини (дао) Осмон иродасига бутун боғлаб қўяди»<sup>4</sup>, деган холосага олиб келади.

Тўртингидан, Конфуций марказлашган давлат тузиш тарафдоридир. Чжоу давлати емирилганидан кейин пайдо бўлган князликлар, маҳаллий хукмдорлар ўртасида низолар авж олади, сепаратизм натижасида қадимги Хитой цивилизациясининг ўчоғи бўлган Хэнан ўлкаси Чжэн, Вэй, Чэнь ва Сун, Шаньдуя вилояти эса Ци ва Лу князликларига бўлинниб кетади. Бундан ташқари мамлакатнинг шимолий-гарбий томонидан Цинь, жанубий-гарбий томонларида Чу, Юэ ва У князликлари мустакил давлатларга айланади.<sup>5</sup>

Тўғри, донишманд марказлашган давлат ташкил этиш учун ижтимоий-сиёсий лойиҳаларни, истикболли дастурларни тавсия этмайди, ислоҳотларни ўтказишини талаб қилмайди. Унинг мушоҳадалари – фикрлари подшоҳ (хукмдор) билан ҳалқ (авом), амалдор (хизматчи)лар билан киши (фуқаро)лар ўртасидаги алоқаларни, субординация муносабатларини қарор топтиришга қаратилгандир.

<sup>1</sup> История китайской философии. –М.: «Прогресс», 1989. –С.133.

<sup>2</sup> Ўша китоб. –С.69.

<sup>3</sup> Ўша китоб. –С.69.

<sup>4</sup> Ўша китоб.–С.68.

<sup>5</sup> История древнего Востока. От ранних государственных образований до древних империй. –М.: Вост. лит-ра, 2004. –С.246-247.



Донишманд подшоҳ (хукмдор)га, айниқса амалдор (хизматчи) сўзсиз итоат этиши зарур деб кўрсатади. Амалдор бўлмоқчи Цизчанга Устоз дебди: «[Бунинг учун] иккиланиш уйғотадиган нарсаларга эътибор бермай кўп тинглаш зарур, бошқа нарсалар ҳакида эҳтиёт бўлиб гапириш керак, шунда танбеҳ кам бўлади. [Бунинг учун] кўп кузатиш, амин бўлмаган нарсани қилмаслик, қолган нарсаларни эҳтиётлик билан бажариш керак, ана шунда афсус-надомат кам бўлади. Қачон деганларинг кам танбеҳ уйготса, хатти-ҳаракатларинг кам афсус-надомат келтирса, ана шунда амалдор бўлишинг мумкин».<sup>1</sup> «Агар сиз, – дейди Конфуций, – ўз иқтидорларингизни намоён қила олсангиз [амалдор] бўлинг. Агар намоён қила олсангиз, ниятингиздан воз кечинг. Агар подшоҳ (хукмдор) хавф остида бўлсаю сиз ёрдам беролмасангиз, агар у йикиласю сиз уни кўтаролмасангиз, бундай ёрдамчилардан қандай наф бор?».<sup>2</sup> Амалдор «хукмдорга хизмат қила туриб, ўз ҳаётини ҳам аямаслиги даркор».<sup>3</sup> Подшоҳ (хукмдор) расм-русларга, урфодатларга риоя этиб амалдорлардан фойдаланади, «амалдорлар эса садоқат кўрсатиб подшоҳга хизмат қиласи».<sup>4</sup>

Донишманд хукмдор (подшоҳ)га садоқат билан хизмат қилишни бурч деб билади. Шунинг учун у бирорта подшоҳ (хукмдор)га зарур бўлмаганидан афсусланади, агар у давлат хизматида бўлганида бир йил ичида катта ўзгаришлар қилиши мумкинлигини надомат билан таъкидлайди.

Конфуций давлат ишларига, лавозимларга адолатпарвар, оқил кишиларни, назарий ва ахлоқий тарбия кўрганларни тайинлашни уқтиради. Ана шунда ҳалқда давлатта нисбатан ишонч уйғонади, бошқаришда маълум бир тартиблар, урф-одатлар, субординация пайдо бўлади. Бошқариш ишларидан яхши хабардор, хуш аҳлоқли кишигина давлат ишларини олиб бориши мумкин. «Агар хизматда бўлмасанг, – дейди Конфуций шогирдларига, – давлат ишлари ҳакида гапиришга ҳожат йўқ».<sup>5</sup> Фақат бошқариш ишларидан хабардор киши субординация принципларига тўла риоя этади ва давлатни мустаҳкамлайди. Аммо бундай «талантларни топиш қийин».<sup>6</sup>

<sup>1</sup> Мудреци Поднебесной.–Симферополь, «Реноме» 1998.–С.60.

<sup>2</sup> Уша китоб. –С.137.

<sup>3</sup> Уша китоб. –С.55.

<sup>4</sup> Уша китоб. –С.65.

<sup>5</sup> Уша китоб. –С.90.

<sup>6</sup> Уша китоб. –С.91.



Конфуций субординацияни таъминлаш учун урф-одатлар тартибларини, мусиқадан фойдаланиш йўлларини, поғоналарнинг бир-бирларига муносабатларини ифода этувчи этикетларни ишлаб чиқади. Ҳеч бир поғона бошқа поғонага таалкуқли урф-одатларни бажариши ёки мусиқасини ижро этиши мумкин эмас. Ушбу талаблари учун баъзан Конфуцийни «ислоҳотчи» деб ҳам аташади. Хуллас, Конфуций сиёсий-фалсафий қарашларини, шахс ахлоқини такомиллаштиришга қаратилган ғояларини марказлашган давлат тузишга, уни мустаҳкамлашга қаратади. Унинг субординация ҳақидаги «хукмдор хукмдор бўлсин, хизматкор-хизматкор» ғояси ҳам ушбу мақсадга хизмат қиласди.

Бешинчидан, Конфуцийнинг сиёсий-фалсафий қарашлари ижтимоий-ахлоқий тамойилларга қурилгани боис Фарбдаги институционал ёндашишлардан фарқ қиласди. Умуман, конфуцийликда жамият ва давлатни бошқаришда институтлар фаолиятини такомиллаштириш эмас, балки инсонни такомиллаштириш бош ўринда туради. Шунингдек, унинг таълимоти Ҳан Фэй (эр. авв. 280-233 йилилар) ва бошқа легистлар тавсия этган «қонунлар билан бошқариш» принципидан фарқ қиласди. Қонунлар билан бошқаришда мажбурлаш, зўрлаш элементи бор, шунинг учун у зарур тартиблар ва хислатларни кишилар онгига, ҳаётига тез сингдириши мумкин. Бироқ, бу сингдириш кишилар қалбидан, ахлоқидан чуқур жой олмайди. Эзгу амаллар, ахлоқий меъёрлар билан бошқаришда мажбурлаш, зўрлаш ҳолатлари йўқ; у ишонтириш, қайд этиш, панд-насиҳат қилиш, тарбия воситаларига таянади. Шу нуқтаи назардан у тез ҳаёт тарзига айланмайди, бироқ, айнан эзгу амаллар, ахлоқий меъёрлар билан бошқариш инсон табиатига яқиндир. Чунки, Конфуций таълимотига кўра, «инсон табиатан очик кўнгил, софдиллир»,<sup>1</sup> у инсонпарварликни, эзгу амалларни ёқтиради ва уларни қўллаб-қувватлади.

Қонунлар бутун мамлакатга, барча қатламларга жорий этилиши мумкин, эзгу амал, ахлоқ нормалари локал тарқалиш хусусиятига эга. Қонунлар ҳаётни уйғунлаштиради, бундай ҳаётни, жамиятни бошқариш осон, шунинг учун расмий институтлар, давлат қонунлар тарафдоридир. Эзгу амаллар, урф-одатлар ва ахлоқий нормалар моҳиятан ранг-барангдир, шу боис уларни уйғунлаштириш, бошқариш кийин. Ижтимоий-сиёсий институтлар уларни бошқаришга интилади, ўз мақсадларига тўғри келмаган-

<sup>1</sup> Мудрецы Поднебесной. –Симферополь, «Реноме», 1998. –С.79.



ларини сикиб чиқаришга ҳаракат қиласи. Аммо инсонпарвар ва умумбашарий қадриятлар эъзозланадиган жамиятда қонунлар эзгу амаллар, урф-одатлар ва ахлоқий меъёрларга, ўз навбатида ижтимоий-ахлоқий қадриятларнинг ишлашига хизмат қиласи.

Маълумки, Чуньцю даври (эр. авв. V-аср)нинг охирида феодал муносабатлари реал воқеликка айлана бошлайди ва бу воқеликни, янгиликни барқарорлаштиришга қаратилган қонунлар қабул қилинган. Уларда қулдор-аслзодаларнинг имтиёзлари чекланиши битилган.<sup>1</sup> Ушбу ўзгаришлардан норози Конфуций легистларга қарши чиқади. «Агар,-дейди донишманд,-халқ қонунлар ёрдамида бошқарилса ва жазолар ёрдамида халқ ичидаги тартиб ўрнатилса, халқ улардан қочишга интилади ва ўз қилмишларидан хижолат чекмайди. Агар халқ эзгу амаллар ёрдамида бошқарилиб, хулқ-атвор ёрдамида тартиб ўрнатилса, халқ ўзининг қилмишларидан уялади ва тузалади».<sup>2</sup> Демак, Конфуций тафсирига кўра, қонунлар халқда зарур эзгу сифатларни шакллантирамайди, тақиқлар эса халқни ўз бурчини адо этишдан қочишга, бўйин товлашга олиб келади. Фақат эзгу амаллар, ахлоқий меъёрлар халқни хижолат тортиб, ўз иллатларидан халос бўлишга унрайди.

Конфуций феодал қонунларига қарши чиқар экан ижтимоий-ахлоқий ҳаётдаги ислоҳотларни «номларни тиклаш»дан бошлиш зарур деб билади. Унинг тафсирига кўра, бошқаришдаги анъаналар, тартиблар бузилган, шу боис кишилар ҳаётдан норози, «исён кўтаришга интилмайдиган киши йўқ». Ҳозир «хукмдор хукмдор эмас, хизматкор-хизматкор; ота ота эмас, ўғил-ўғил». Шунинг учун «хукмдор хукмдор бўлсин, хизматкор-хизматкор, ота ота бўлсин, ўғил-ўғил».<sup>3</sup> Агар ҳар ким ўз функцияларини, мавқеидаги бурчини бажармаса нафакат ахлоқ, шу билан бирга жамият ва давлатни бошқариш тартиблари ҳам бузилади. «Номлар нотўғри бўлса, – дейди Конфуций, – нутқ қарама-қарши чиқади; нутқ қарама-қарши бўлса, ишлар муваффакиятли бажарилмайди; ишлар муваффакиятли бажарилмаса, хулқ-атвор ва мусиқа равнақ топмайди; хулқ-атвор ва мусиқа равнақ топмаса, жарима ва жазо нотўғри қўлланилади, бу ҳолда халқ нима билан машғул бўлишини билмайди».<sup>4</sup>

<sup>1</sup> История Китайской философии. М.: «Прогресс», 1989. –С.60.

<sup>2</sup> Ўша китоб. –С.58.

<sup>3</sup> Ўша китоб .–С.47.

<sup>4</sup> Ўша китоб. –С.61.



Конфуций фалсафага ижтимоий-ахлокий мазмун берар экан инсонийликни, инсонпарварликни улутлайди. У «инсонийлик» категориясига хурмат-эътибор, хушмуомалалик, тўғрилик, зийраклик, азият тортиб муваффакиятга эришиш, бошқаларга ёрдам бериш, ахлоқли бўлиш, яқинларни унутмаслик, урф-одатларга риоя этиш кабиларни киритади. Агар киши хурмат-эътибор кўрсатса, ундан ҳеч ким қусур қидирмайди, нафратланмайди; агар у хушмуомали бўлса, бошқалар уни кўллаб-кувватлади, ўзига рақиб, душман деб билмайди. Агар киши тўғри бўлса, бошқалар унга ишонади, уни ўзига якин тутади; агар у зийрак бўлса, муваффакиятларга эришади, бошқалар унинг муваффакиятларига гов бўлаолмайди. Мабодо киши эзгу ниятли ва амалли бўлса, ўзи ҳам тинч, осойишта, ёнидагилар ҳам эзгуликка интилиб яшайди. Инсонпарвар подшоҳ (хукмдор) давлатни узоқ бошқаради, халқ фаровонлигини ўйлади, у зўрлик ишлатмайди. «Ким инсонпарварликка чиндан интилса, у ҳеч қаҷон бад ишлар қилмайди... Ким инсонийликни севса, ундан юқори нарса йўқ деб [ҳисоблайди]».<sup>1</sup> Демак, инсонпарварлик шахслараро муносабатлардангина иборат эмас, у жамият ва давлатни бошқаришга ҳам таалуқли воқеиликдир. Тўғри, баъзан Конфуций инсонийликни кичикларнинг катталарга ҳурмат кўрсатиши деб талқин қиласди. Кейин ушбу талқинни подшоҳ (хукмдор) ва халқ (авом), амалдор (хизматчи) ва фуқаро (инсон), давлат ва шахс муносабатларига кўчиради, натижада юқори табақа (бошқарувчилар) билан куйи табақа (бошқарувчилар) ўргасида ака-ука ёки ота-бала муносабатларига ўхшаш муносабатлар шаклтаниши зарур, деган хулюса келиб чиқади. Давлат билан шахс ўргасида бундай муносабатларнинг бўлишини тасаввур қилиш қийин. Қандай бўлмасин, жамият ва давлатни бошқаришда инсонийлик, инсонпарварлик тамойилларига таянишга даъват конфуцийликдаги олижаноб фазилатдир.

Олтингчидан, Конфуцийнинг сиёсий фалсафасидаги подшоҳ (хукмдор) ҳақидаги фикрлар, таъкидлаш жоизки, бутун Шарқ давлатчилиги учун концептуал аҳамиятга эга. Подшоҳ (хукмдор) образи конфуцийликда изчил яратилган, унга оид фазилатлар ҳақида илмий-назарий ва ижтимоий-амалий аҳамиятга эга қарашлар шаклланган. Бу қарашлар Марказий Осиё ва Евроосиёда ҳам тарқалган, маътум бир концепцияларни, моделларни, истиқболли тояларни яратишга туртки бўлган.

<sup>1</sup> Мудрецы Поднебесной. –Симферополь, «Реноме» 1998. –С.68.

### **3-§. КОНФУЦИЙНИНГ «ИДЕАЛ ПОДШОХ (ХУКМДОР)» ҲАҚИДАГИ ҚАРАШЛАРИ**

«Лунъ юй» тўпламида Устознинг давлат хизматчилари бўлишга тайёрланаётган шогирдларига ўгитлари жамланган. Шунинг учун «Лунъ юй»даги ҳар бир фикр, афоризмни жамият ва давлатни бошқариш, подшоҳ (хукмдор) – амалдор (хизматчи) – фуқаро (шахс) тизимида қараш, талқин қилиш мумкин. Аммо мутафаккирнинг подшоҳ (хукмдор), унинг фазилатлари ва амаллари ҳақида ҳам фикрлари борки, бу ўринда айнан ушбу мушоҳадаларга эътиборимизни қаратамиз.

Конфуций назарида подшоҳ (хукмдор) энг аввало «Осмон ўғли». У Осмон иродасини Ерда, ўз фуқаролари ичида амалга оширади. Осмон Ердагиларга ёмонлик истамайди, аммо Коинотда камолотнинг барқарор бўлиши учун кишилар Осмон иродасига бўйсуниши ва Унинг талабларини бажариши зарур. Бу талаблар Ер, кишилар манфаатларидан бегоналашган, гайриинсоний манфаатлар эмас. Осмон остида ўзаро муросага, камолотта келмай туриб Осмон билан муроса ва камолотга келиб бўлмайди. «Осмон иродасини билмай олижаноб эр (подшоҳ, хукмдор-В.А.) бўлиш мумкин эмас».<sup>1</sup> Шунинг учун ҳам донишманд подшоҳ (хукмдор)ни «Осмон ўғли» дер экан, унга алоҳида маъсулият юклайди. Подшоҳ (хукмдор) «тугма билимларга эга бўла туриб, бошқалардан юқори туради».<sup>2</sup> Ушбу тафсивда Конфуций подшоҳ (хукмдор)ни тугма талантга, илоҳий сифатларга эга деб қараганини сезиш мумкин. Лекин Конфуций реал фикрлашга мойил мутафаккирдир, шунинг учун у подшоҳ (хукмдор)га илоҳий сифатларни ёпиштирмайди. Донишманднинг подшоҳи (хукмдори) «Осмон ўғли» бўлса-да, Ердагиларнинг ғами, ташвиши билан яшашга маъсул инсондир.

Кандай килиб давлатни бошқариш мумкин, деган саволга донишманд бунинг учун «беш бебаҳо сифат» зарур деб кўрсатади. Улар эзгуликда исрофгар бўлмаслик, меҳнатга мажбур эта туриб нафрат уйғотмаслик, истакларда зикна бўлмаслик, улуг бўла туриб мағрурлик килмаслик, хурмат уйгота туриб бағритош бўлмасликдан иборатдир.<sup>3</sup> Конфуций ушбу сифатларга ҳалқ учун фойдали нарсаларни амалга ошириб, наф келтиришни, ҳалқни курби етадиган ишларга жалб этишни (агар шундай қилинса, ҳалқ нафратланмайди), юқори ва қўйи қатламлардаги кишиларни бир-

<sup>1</sup> Мудрецы Поднебесной. –Симферополь, «Реном», 1998. –С.158.

<sup>2</sup> Ўша китоб. –С.139.

<sup>3</sup> Ўша китоб. –С.158.



биридан айирмай олижаноблик кўрсатишни, олижаноб бўлиб кишиларга муносабатларда жаҳл (қаҳр) кўрсатмасликни, кийим ва бош кийимини тартибда саклаб, халқда хурмат уйғотиш ва бошқаларни киритади. Худди шунингдек, Конфуций тўртта сифат подшоҳ (хукмдор)га мутлақ тўғри келмаслигини уқтиради. Уларга халқни ўқитмай, ўргатмай уни ўлдириш (бу ёвузликдир), огоҳлантирмай қилган ишидан халқдан норози бўлиш (бу дагаликдир), аввал шошмай бажаришни айта туриб ишни тез якунлашни, охирига етказишни талаб этиш (бу зўравонликдир), тақдирлашни вавда қила туриб уни қилмаслик (бу зиқналикдир) киради.<sup>1</sup>

Конфуций давлатни бошқаришда маълум бир принципларга асосланиш зарурлигини қайд этади. У ушбу принципни «тўғри принциплар» деб атайди. «Давлатда тўғри принципларга амал қилинса, тўғри гапириш ва тўғри ҳаракат қилиш мумкин. Давлатда тўғри принциплар амалга оширилмаса, тўғри ҳаракат қилиш мумкин, аммо эҳтиёт билан гапирилади».<sup>2</sup> Шунинг учун подшоҳ (хукмдор) олижаноб киши сўзларида ҳеч қандай нотўғри нарса бўлмаслиги лозим.<sup>3</sup>

«Агар [юқоридагиларнинг] шахсий амаллари тўғри бўлса, ишлар, буйруқ берилмаса-да, амалга ошаверади. Агар [юқоридагиларнинг] шахсий амаллари нотўғри бўлса, буйруқ берилган бўлсада, [халқ] итоат этмайди».<sup>4</sup> Кўриниб турибдики, Конфуций подшоҳ (хукмдор)ни «тўғри принциплар» билан, тўғри яшаши зарур деб билади.

Албатта, тўғри яшашни ёки «тўғри принциплар»ни турлича талқин қилиш мумкин. Ҳатто жиноячилар ва қонунбузарларнинг ўз хатти-ҳаракатларини окловчи принциплари бор. Мутафаккирнинг қиска тафсивлари, афоризмлари «тўғри принциплар»ни чўкурроқ англашга имкон бермайди, аммо метафизик мушоҳада ва ижтимоий-ахлоқий концепция нуқтаи назаридан улар тагида қандай маъно ётганини сезиш мумкин.

Конфуций подшоҳ (хукмдор) ўз мавқеи ва бойлиги билан керилмаслиги, тақаббурликка берилмаслиги, ортиқча сарф-ҳаражатлар билан бошқаларга салбий таъсир кўрсатмаслиги, поэзия ва мусиқани билиши, аждодлар урф-одатларини асрashi, Осмон хукмига итоат этиши, мудом «кичик одамлар» ахлоқини, хулқ-атворини тўғрилаб бориши керак, деб билади. Подшоҳ (хукмдор)нинг шахсий ибрати ва инсоний фазилатлари бу борада барчага наму-

<sup>1</sup> Мудрецы Поднебесной. –Симферополь, «Реноме», 1998. –С 157.

<sup>2</sup> Ўша китоб. –С.122.

<sup>3</sup> Ўша китоб. –С.116.

<sup>4</sup> Ўша китоб. –С.117.



надир. «Цзин Кан-цзи сўрабди: – Бошқаришнинг моҳияти нимада? Устоз жавоб қайтарибди:-Бошқариш-бу тўғирлашдир. Агар сиз тўғрилик борасида ибрат кўрсатсангиз, ким ҳам нотўғри киликларга журъат этарди?»<sup>1</sup> Бошқа бир жойда у Цзи-лу (шогирди)нинг «подшоҳ (хукмдор) бўлиш нимани англатади» деган саволига «Ўзи намуна бўлиб бошқаларни қўзғотишдир» деб жавоб беради. Бу ўринда у энг аввало кишиларда инсонийликни, эзгу амалларни, хуш ахлоқни тарбиялашни назарда тутади. Подшоҳ (хукмдор) энг аввало ўзининг фуқароларини, кўйидагиларни тарбиялаши керак. «Фуқаросини тарбияламайдиган подшоҳ (хумкдор) тўғри подшоҳ эмас».<sup>2</sup>

Конфуций «олижаноб эр», деганида юқори табақага мансуб кишиларни, шу жумладан, подшоҳ (хукмдор)ни ҳам назарда тутади. Шунинг учун «олижаноб эр» ва подшоҳ (хукмдор) категориялари ўргасидаги фарқларни асарда ажратиш қийин. Бу эса Конфуцийнинг подшоҳ (хукмдор) ҳакидаги фикрларини ойдинлаштиришга халақит беради. Гоҳо олижаноб киши билан подшоҳ (хукмдор)га оид сифатлар ёнма-ён, аралаш келади. Агар Конфуцийнинг хукмдор (подшоҳ)га юқори табақа деб қараганидан, билганидан келиб чиқсак, олижаноб эрга тааллуқли сифатлар подшоҳ (хукмдор)га ҳам тааллуқли деб қаравшимиз лозим.

«Олижаноб эр, – дейди Конфуций, – тўққиз нарса ҳакида ўйлайди: аниқ кўриш, тиник эшитиш, хушмуомалали бўлиш, хуш амалли бўлиш, чин дилдан гапириш, хатти-ҳаракатларда эҳтиёткор бўлиш, қаҳр-ғазабнинг оқибатини унумаслик, қулай пайтда наф кўриш». Аниқ кўриш амалга оширилмоқчи бўлган нарса, ҳаракат ҳакида керакли билимларга, тажрибага эга бўлишини англатади. Шундай билим ва кўникмага эга бўлмаган киши ишида, хатти-ҳаракатларида адашади. Бу айниқса подшоҳ (хукмдор) учун номақбул хислатдир, чунки унинг бундай хатти-ҳаракатлари кишиларга, жамиятга қимматга тушади.

Тиник эшитиш мусиқани билиш ёки қабул қилинадиган қарор ҳакида бор хабарларни, маълумотларни билиш маъноларида келади.

Маълумки, Конфуций подшоҳ (хукмдор)нинг мусиқани билишини жамият ва давлатни бошқаришга ёрдам берадиган омиллардан бири деб қарайди. Мусиқа фақат урф-одатлар тимсоли эмас, шу билан бирга у сиёсий ҳаётнинг таркибий қисмидир. Хеч бир халқ ва таълимот қадимги хитойликлар ва конфуцийликдек муси-

<sup>1</sup> Мудрецы Поднебесной. Симферополь, «Реноме», 1998. –С.117.

<sup>2</sup> Ўша китоб. –С.48.



қа орқали ҳалқ, кишилар онгига таъсир этишга эътибор бермаган. Барча урф-одатлар, сиёсий тадбирлар мусика билан бошланиб, мусика билан тутаган.<sup>1</sup> Худди шунинг учун ҳам донишманд подшоҳ (хукмдор) учун «тиник эшлиши» лозим деб билган.

Хушмуомалалик инсонни, айниқса, подшоҳ (хукмдор)ни безайди, мулоимлик эса кишиларда ҳурмат, ишонч уйғотади. «Ким ахлоқли бўлса, у, албатта, яхши гапиради». Гапларига, муомаласига қараб кишининг кимлигини, қандай фазилатларга эга эканини аниқласа бўлади. «Нима деётганини билмаган кишиларни билиш мумкин эмас».

Конфуцийнинг сиёсий-фалсафий ва ижтимоий-ахлоқий таълимотида эзгу, хуш амалли бўлиш масалалари атрофлича қаралади. Аслида «олижаноб киши», «олижаноб ҳукмдор» тушунчалари ҳам ана шу эзгу амаллар орқали тафсив қилинади. «Ҳар бир киши, – дейди мутафаккир, – олижаноб эр бўлиши мумкин. Аммо шундай бўлишга у қарор қилиши керак».<sup>2</sup> Ушбу афоризмдан нафақат юқори, шу билан бирга, қуйи табака вакиллари ҳам истаса олижаноб киши бўла олади, деган фикр келиб чиқади. Лекин бу ҳали ҳар қандай киши подшоҳ (хукмдор) – «Осмон ўғли» бўлиши мумкин деган маънени англатмайди.

Конфуций таълимотини Осмон-Ер-Одам тизимида қарасак подшоҳ (хукмдор) Осмон билан Ерни уйғунлаштирувчи, улар ўртасидаги камолотни сақловчи «қисм»га айланади. Үнинг хатти-ҳаракатлари, фазилатлари ушбу камолотта маъно беради ва Ерда барқарорликни, осойишталикни, инсонийликни, эзгу амаллар – «жамиятни бошқариш, урф-одатлар ва нарсалар тартиби» (ли) ни қарор топтиради. Ушбу вазифалар ва бурчини унугтан подшоҳ Осмон қаҳрига учрайди.

Подшоҳ (хукмдор) «негизга интилиши» даркор. Донишманд «негиз» деганида Чжоу ва афсонавий қаҳрамонлар – ванлар, даҳийлар яшаган даврдаги урф-одатларни, жамият ва давлатни бошқариш тартибларини назарда тутади. «Чжоу сулоласи тартиботлари олдинги икки сулола тартиботларига асосланган. О, улар қанчалик бой ва етуkdir! Мен Чжоуга эргашаман».<sup>3</sup> Чунки «давлат урф-одатлар ёрдамида бошқарилади».<sup>4</sup> У бўлғуси давлат хизматчиларига қаратадейди: «Урф-одатларга мос келмаган нарсага қарашиб мумкин эмас; нима урф-одатларга мос келмаса

<sup>1</sup> Радуль-Затуловский Я.В. Конфуцианство и его распространение в Японии. –М. Л.: Изд-во АН СССР, 1947. –С. 96-97.

<sup>2</sup> Мудрецы Поднебесной. –Симферополь, «Реноме», 1998. –С.51.

<sup>3</sup> Уша китоб. –С.65.

<sup>4</sup> Уша китоб. –С.109.



гапириш мумкин эмас; нима урф-одатларга мос келмаса қилиш мумкин эмас».<sup>1</sup> Урф-одатларни билмай жамиятда ўз ўрнингни топишинг мумкин бўлмаганидек, Осмон иродасини билмай жамият ва давлатни бошқариш, олижаноб киши бўлишинг ҳам мумкин эмас.

Конфуцийнинг мушоҳадаларига кўра, подшоҳ (хукмдор) – «Осмон ўғли» олижаноб киши сифатида юксак ахлоқий жиҳатлари, инсонпарварлиги ва адолатпарварлиги билан ўзининг амалдор-хизматчилари, вассаллари ва «кичик одамлар»идан ажралиб туриши керак. «Кичик одам ўз фойдасини ўйлади, олижаноб эр ўз бурчини ўйлади». Бурчини бажарив олижаноб киши ўз фазилатларини намоён этади. «Цзи Лу сўрабди: – Олижаноб эр довюрак бўлиши керакми? Устоз жавоб берибди: – Олижаноб эр ҳаммасидан бурчини юкори қўяди. Олижаноб эр, довюрак бўла туриб, бурчи ҳакида ўйламаса исёнчига, кичик одам довюрак бўла туриб, бурчи ҳакида ўйламаса қарокчига айланади».<sup>2</sup>

Халқнинг, кичик одамларнинг, амалдорларнинг қандай сифатларни ўзида шакллантириши ёки утуғлаши подшоҳ (хукмдор)даги фазилатларга бевосита боғликдир. Бу ўринда Шарқнинг «Катта арава қаердан юрса, кичик арава ҳам шу ердан юради» деган мақоли эсга тушади. «Олижаноб эр, ҳатто у Осмон ўғли (император) бўлганида ҳам зўравонлик билан кишиларни итоат эттириш мумкин эмаслигини билиши лозим». «Халқни ўз кетидан эргашишга мажбур килиш мумкин, лекин у нима учун мажбур килинаётганини билмаса, давлат учун ёмондир»... «Хукмдорнинг ўзи ўз ахлоқини тузатмаса, у кичик одам, халқ ахлоқини ҳам тузатолмайди», бад ахлоқлик охир-оқибатда давлатни, бошқаришни таназзулга олиб келади.

Бу мушоҳадаларда Шарқ давлатчилигига хос жиҳатлар кўзга ташланачи. Агар Н.Макиавелли ҳукмдор халқни, давлатни куч билан, зўргаёнлик ишлатиб ушлаб туриши зарурлигини таъкидласа, Конфуций ахлоқий бошқаришни улуғлади. Шубҳасиз, Н.Макиавелли қадимги Рим ва Греция давлатларида шаклланган идора усусларини ўрганиб, улардан зарур хуносалар чиқариб, деспотияни илгари суради. Ҳокимиятда турли манфаатлар, интилишлар тўқнашади, уларнинг барчасини кўлтаб-кувватлаш подшоҳ (хукмдор)ни тилёғламалик килишга, натижада умумманфаатларни унтишга мажбур киларди, албатта. Шу нуктаи назардан Н.Макиавелли ҳукмдор куч ишлатишга мажбур деб ҳисоблайди.

<sup>1</sup> Мудрецы Поднебесной. –Симферополь, «Реноме», 1998. –С.109.

<sup>2</sup> Уша китоб. –С. 109.



Ҳокимият атрофидаги курашлар Шарқда ҳам кечган, Хитой тарихидан бу борада истаганча мисоллар келтириш мумкин. Конфуций улардан хабардор бўлган, уларни билган. Аммо мутафаккир зўравонликни ахлоққа, инсонийликка итоат эттиришга, жамият ва давлатни бошқаришни эзгу амалларга куришга даъват этади. Унинг бу фиклари гайриҳаётӣ, гайрииљмий эмас, чунки истаган киши ўзини олижаноб, юксак ахлоқли қилиб тарбиялаши мумкин. Тўғри, Конфуций монархия, якка ҳукмронлик тарафдори. У Осмонда икки күёш бўлмагандек ҳалқда ҳам икки подшоҳ (ҳукмдор) бўлиши мумкин эмас деб ҳисоблайди. Валек устоз мустабидликни, зўравонликни қоралайди, «баджаҳл мустабид ёвуз ҳайондан ҳам кўрқинчли»<sup>1</sup> дейди. Ҳатто мутафаккирнинг айрим мушоҳадалари Конфуций демократ бўлган экан деган фикрга олиб келиши мумкин. Масалан, у бошқариш ишларига тўғри кишиларни тайинлаш ҳақида гапириб, ҳалқ томонидан Шунъ ўрнига Гао-яо,<sup>2</sup> Тянь ўрнига И Ин сайланганини қўллаб-кувватлайди. Бошқа бир жойда эътиroz билдириласлик «бир сўз билан давлатни ҳалок этиш»,<sup>3</sup> «давлатни бошқариш нафакат яқиндаги, худди шунингдек, узоклардаги кишиларни хурсанд килиш демакдир»,<sup>4</sup> дейди. Бизнинг фикримизча, Конфуцийнинг ушбу мушоҳадалари йўл-йўлакай айтилган ва улар Устоз сиёсий-фалсафий ва ижтимоий-ахлоқий таълимотининг мағзи эмас.

Подшоҳ (ҳукмдор) ўз вазифаларига жиддий ёндашиши, ҳалқ ишончига таяниши, сарф-харажатларда тежамкор бўлиши, кишилар, авом ҳакида қайгуриши, ҳалқдан ўринли фойдаланиши даркор. Ўзининг ижтимоий ва сиёсий вазифаларини сидқидилдан бажариш ўрнига айшга, ҳаззга, бойлик тўплашга берилишни Конфуций қоралаган. Ҳалқ ишончига таянимайдиган давлат барқарор туролмайди, подшоҳ (ҳукмдор)нинг якка ўзи жамият ва давлатни бошқаролмайди, йигилган бойликлардан тежаб-тергаб фойдаланилмаса давлат ҳам, ҳалқ ҳам қашшоқлашиб қолади, ҳалқ фаровонлиги ҳакида ўйламайдиган подшоҳ (ҳукмдор)ни ҳалқ севмайди, авомни бўлар-бўлмас ишларга жалб этиб, уни дехқончилик ишларидан чалғитишса ҳалқ оч қолади. Оч қолган ҳалқ, кишилар энг аввало давлатдан, подшоҳ (ҳукмдор)дан норози бўлади.

Конфуцийнинг қуидаги мушоҳадалари қизиқарлидир: «Император – чавандоз, амалдорлар ва қонунлар – тизгин,

<sup>1</sup> Мудреци Поднебесной. –Симферополь, «Реноме», 1998. –С.51.

<sup>2</sup> Ўша китоб. –С.114-115.

<sup>3</sup> Ўша китоб. –С.119.

<sup>4</sup> Ўша китоб. –С.119.



«совлик», халқ – от. Отларни яхши бошқариш учун уларни түгри жиловлаш, «совлик» ва стимулни текис ушлаш, отларнинг кучини чамалаб уларнинг чопишига мувофик тизгинни ишлатиш зарур. Ушбу шароитда подшоҳ бирор товуш чиқармаслиги мумкин, у тизгинларни ишлатмаса-да, отларнинг ўзи чопади».<sup>1</sup> Бу ўринда Конфуцийнинг сиёсий-фалсафий қарашлари янада аникроқ, яққолроқ кўзга ташланади: подшоҳ (хукмдор) – бошқарувчи, чавандоз, халқ – бошқарилувчи, от. Подшоҳ (хукмдор) «совлик» ва стимул (рагбат)лардан қандай фойдаланса, халқ ҳам уларга мувофик «чопади». Шу билан бирга баъзи ўринларда Устоз подшоҳ (хукмдор) амалдорларга, ҳатто «кичик амалдорлар»дан чиққан бўлса-да, ўқимишли, бошқариш ишларидан хабардор кишиларга таяниб иш олиб бориши зарурлигини таъкидлайди. Ўз шогирдларидан фойдаланишни тавсия этади. Бу ўринда Конфуцийнинг қарашлари Платоннинг «идеал монарх», «донишманд ҳукмдор», «файласуф подшоҳ» моделларига ўхшаб кетади. Аммо Конфуцийнинг подшоҳ (хукмдор)ини бошқа бир олижаноб киши билан алмаштириш мумкин, у Платондаги «бутунни биладиган» ягона шахс эмас. Ҳатто, Устоз подшоҳ (хукмдор)ни «Осмон ўғли» деб илохийлаштиришга интилса-да, у гайриҳаётӣ, мифологик сифатларга эга эмас. Конфуцийнинг барча мушоҳадаларида у ердагилар ташвиши билан яшайдиган, аниқ модел сифатида келади. Ҳа, Конфуций модели оддий киши эмас, у ўз амалдорлари ва фуқароларидан юксакроқ фазилатларга эгалиги билан фарқ қиласди. Шунинг учун ҳам Конфуций Ерда адолат, фаровон ҳаёт, эзгу амалларнинг қарор топишини энг аввало подшоҳ (хукмдор) билан боғлайди. Агар Шарқнинг яна бир аълами Будда (Шакия муни) «нажотни якка ўзингдан изла» деса, Конфуций нажотни подшоҳ (хукмдор)дан қидиради. Ушбу ёндашув нафақат илмий-назарий изланишларда, шунингдек, кишилар, халқ тасаввурларида ҳам яшаб келади.

Подшоҳ (хукмдор)нинг асосий вазифаси халқда давлатга хурмат-иззат кўрсатиши, ўз амалларида тиришқоқ бўлиши, мавжуд тартибларга итоат этишини тарбиялашдир.

«Цзи Кан-цзи сўрабди: «Халқни қандай қилиб хурматли, садоқатли ва тиришқоқ қилиш мумкин? Устоз жавоб берибди: Агар сиз мулокотда жиддий бўлсангиз халқ сизга хурматда бўлади.

<sup>1</sup> Мудрецы Поднебесной. Симферополь, «Реноме», 1998. –С.51.



Агар сиз ота-оналарингизга иззатда ва [халққа] хайр-эҳсонли бўлсангиз, ҳалқ сизга садоқатли бўлади. Агар сиз эзгу амалии кишиларни лавозимларга кўтарсангиз ва бошқаларни эзгу амалларга ундасангиз, ҳалқ тиришқоқ бўлади».<sup>1</sup>

«Ўзингизга раво кўрмаган нарсани бошқаларга ҳам раво кўрманг, ана шунда давлатда ҳам, ойлада ҳам ўзингизга душманлик сезмайсиз».<sup>2</sup> Бу Конфуцийнинг олижаноб подшоҳ (хукмдор) қарашларига берган асосий таърифиидир. Агар подшоҳ (хукмдор) эзгуликка интилса, ҳалқ ҳам шубҳасиз, эзгуликка интилади.<sup>3</sup> Бу эса жамиятда, давлатда, ҳалқ ичидаги Осмон остида камолат, барқарорлик, муроса, эзгулик, ахлоқий меъёрларнинг қарор топганидан дарак беради.

Ҳокимиятга ҳар доим ҳам эзгу ниятли ва хуш ахлоқли кишилар интилавермаган. Конфуций буни яхши билган. Ҳақиқатан ҳам Устоз фикрига кўра, «ҳокимият юз йил яхши одамлар ихтиёрида бўлса, улар зўравонликни бартараф этиши ва қатл қилишсиз бошқариши мумкин».<sup>4</sup> Ушбу фикрини давом эттириб у дейди: «Хатто ҳокимиятга ҳақиқий подшо (хукмдор) келса, инсонийлик бир авлоддан кейин қарор топтириш осон эмас, улар тез қарор топмайди. Конфуций ушбу муаммо ечимини шахснинг ўзини ўзи тарбиялашида, камолга этишида кўради. «Агар, – дейди Устоз, – ўзингни ўзинг етук қилсанг, давлатни бошқариш қийин бўладими? Агар ўзингни ўзинг комил қилолмасанг, бошқаларни қандай қилиб комил қилишинг мумкин?».<sup>5</sup> Бу ўринда мутафаккир Буддага яқин туради. Ўзи эзгу амалли, адолатли, комил бўлмаган подшоҳ (хукмдор)нинг ўз фуқароларидан етуклик талаб этиши гайриҳаётидир. Бу азалий муаммони илк бор Шарқ мутафаккирлари кўйгани ва уни ҳал этишга интилгани ибратлидир.

Конфуций подшоҳ (хукмдор) ва амалдорлардаги салбий томонларни, қусурларни ҳам кўрмаслиги, ўз мушоҳадаларида улар ҳақида тўхтамаслиги мумкин эмас эди. Устоз дейди: «Қачонки давлатда ишлар яхши кетаётганида Нин У-цзи оқил эди; ишлар ёмон кетаётганида у нодонлик қилди. Унинг оқиллиги билан бошқалар қиёсланиши мумкин, бирор нодонлиги билан асло

<sup>1</sup> Мудрецы Поднебесной. Симферополь, «Реноме», 1998. –С.61.

<sup>2</sup> Ўша китоб. –С.110.

<sup>3</sup> Ўша китоб. –С.113.

<sup>4</sup> Ўша китоб. –С.118.

<sup>5</sup> Ўша китоб. –С.118.

<sup>6</sup> Ўша китоб. –С. 118.



мумкин эмас». «Жанговор Нин давлатда йўл<sup>1</sup> аниқ бўлганида нодонлик қилди».<sup>2</sup> Бошқа бир афоризмда Устоз Вэй ҳукмдори тарафдори эмаслиги қайд этилади.<sup>3</sup>

Шунингдек, мутафаккир подшоҳ (хукмдор) исрофгар бўлмаслиги лозим дейди. «Исрофгарчилик – бўйсунмасликка әлтади, тежамкорлик эса – абгорликка. Бироқ абгорлик бўйсунмасликдан яхшидир». Агар подшоҳ (хукмдор) элпарвар ва адолатпарвар бўлса, халқ абгорликка чидайди, мабодо подшоҳ (хукмдор) зулмкор бўлса, халқ унинг зулмига ҳам, абгорликка ҳам чидай олмайди. «Агар давлат тўғри бошқарилса, – дейди Устоз, – абгорлик ва шаънсизлик уятлидир. Агар давлат нотўғри бошқарилса, бойлик ҳам, шаън ҳам уятдир».<sup>4</sup> Эътибор қилисак, Конфуций халкнинг бадавлат яшами ҳам, қашшоқ яшами ҳам подшоҳ (хукмдор)нинг бошқариш ишларига боғлиқ деб билади. Ҳатто, у жамиятдаги, давлатдаги бойликларни тент тақсимлаш фикрини эълон қилишдан қайтмайди. Шунинг учун у дейди: «Бойликлар тент тақсимланганида қашшоқлик бўлмайди; мамлакатда камолот бўлса, халқ оз сонли бўлмайди; [куйи ва юкорилар ўртасидаги муносабатларда] муроса, осойишталик бўлса, подшоҳни ағдариб ташлаш ҳавфи бўлмайди».<sup>5</sup> Халқдаги норозилик, исён нафақат абгорликдан, қашшоқликдан, шунингдек, «инсонийликдан маҳрум кишиларни жуда ёмон кўришдан»<sup>6</sup> ҳам келиб чиқади. Шунинг учун бошқариш ишлари «майда одамлар», яъни эзгу амаллардан, халқ осойишталиги ва фаровонлигини ўйлашдан йироқ кишилар қўлига тушса, «ҳокимият уч авлод ҳаёти давомида йўқолиши мумкин».<sup>7</sup>

Конфуцийнинг «идеал подшоҳ» ҳақидаги қарашлари мутафаккирнинг кенг қамровли ва нафли фикрлашга мойиллигини кўрсатади. Уларда «идеал подшоҳ»ни жамият ва давлат манфаатларига, халқни осойишта, фаровон, эзгу амаллар билан яшашига ёрдам беришга давват мужассамдир.

<sup>1</sup> Бу ўринда «йўл»-дао ёки етуклика, эзгуликка йўналганлик маъносида берилади.

<sup>2</sup> Мурдечи Поднебесной. Симферополь, «Реноме», 1998.–С.75.

<sup>3</sup> Ўша китоб.–С.84.

<sup>4</sup> Мурдечи Поднебесной.–Симферополь, «Реноме», 1998. –С.137.

<sup>5</sup> Ўша китоб. –С. 137.

<sup>6</sup> Ўша китоб. –С.90.

<sup>7</sup> Ўша китоб. –С.138.

## 4-§. КОНФУЦИЙЛИКДА АДОЛАТ ФОЯЛАРИ

Инсон ўзини «ижтимоий мавжудот» (Аристотель) эканини англабанидан бери эзгулик, меҳр, ҳурмат, адолат ҳақида фикр юритиб, турли қарашларни билдириб келади. Адолатнинг ҳудудий, миллый, этногурухий чегараси йўқ, агар турли қарашларни қиёсласак, уларнинг барчасида зўравонликни тийиш, бир кишининг иккинчи киши устидан ҳокимлик қилмаслигини таъминлаш, ҳар кимнинг инсон сифатида яшашига, қилган меҳнатларига яраша тақдирланишига имкон бериш асосий талаб эканини кўрамиз. Шунинг учун айтиш мумкинки, адолат – эзгулик, меҳр, ҳурмат каби инсоният тарихида илк пайдо бўлган, баҳтли ва фаровон ҳайёт модели сифатида барча халқлар, этнослар, гуруҳлар қабул қилган умумисоний қадриятдир.

Конфуций жамият ва давлатни бошқариш ҳақида ўйлар, қайгуар экан ижтимоий-ахлоқий муаммолар билан бирга адолат ва адолатсизлик, эзгулик ва ёвузлик каби воқеалар ҳақида ҳам ўз фикрларини билдиради.

Конфуций олижаноб киши амал қиласиган, мудом қайгурадиган нарсалардан бири «адолат ҳақида ўйлашдир» деб ҳисоблайди.<sup>1</sup> Киши адолатта интилиб, эзгу амални улуғлайди. «Ўзининг шахсий манфаатидан адолатни юкори қўйган киши етукдир»<sup>2</sup>... Демак, эзгу амални, халқ манфаатларини, адолатни ўйлайдиган киши етук кишидир.

Конфуций адолат тушунчасига ҳам ўзининг ижтимоий-ахлоқий концепциясидан келиб чиқиб ёндашади. У ҳатто «ёмонликка ҳам адолат билан жавоб бериш керак» деб ҳисоблайди.<sup>3</sup> Худди шунингдек, Конфуций подшоҳ (хукмдор) учун хизмат қилмасликни адолатсизлик деб билган. Албатта, бу мушоҳада энг аввало ўзининг шогирдларига қаратилган.

Адолат инсон хатти-ҳаракатлари билан боғлиқ тушунча. Уни Конфуций «тўғрилик», «эзгулик», «ҳақиқат» каби тушунчалар, иборалар орқали ҳам талқин қиласиди. Айниқса, мутафаккирнинг адолат ҳақида ўз таърифи бўлмаганида шундай қилишга ҳоҳиш ўйгонарди. Бизнинг фикримизча, бундай ҳоҳиш мутафаккир ҳаёти ва таълимотини янада улуғлаш истагидан келиб чиқади.

Хитой фалсафасида Мо-цзи (эр. авв. 475-395 йиллар) номи Конфуций номи билан ёнма-ён тилга олинади. Ёшлигида у Кон-

<sup>1</sup> Мудрецы Поднебесной. –Симферополь, «Ренеме», 1998. –С.140.

<sup>2</sup> Ўша китоб. –С.124.

<sup>3</sup> Ўша китоб. –С.128.



фуций таълимотини ўрганган, кейинчалик эса «Чжоу хулқ-атвор тартиблари»дан воз кечиб, ўзининг мактабини ташкил этган.<sup>1</sup> Унинг қарашларида Конфуций таъсири борлигини сезиш қийин эмас. Гоҳо, у Конфуцийнинг урф-одатлар билан бошқариш ғоясими инкор этса-да, жамият ва давлатни бошқариш, ахлоқ масалаларида Устоз изидан борган. Мо-цзи фикрига кўра, адолат Осмон, Руҳлар ва оддий халққа фойдали нарсалардан иборатdir. Яъни нарсалар орқали нимаики бўлмасин Осмон, Руҳлар ва оддий халққа фойдали бўлмаса, у адолатли эмасdir. Осмон кишилар ўртасидаги муносабатлар ўзаро меҳрға, умумий муҳаббатга қурилишини истайди. Ким Осмоннинг ушбу талабларига амал қилса, у адолатни саклаган бўлади ва тақдирланади; ким ушбу талабларга зид иш тутса, кишилар ўртасида низо, нифоқ ва душманлик уругини сепади. Оддий халқ эса очлик, яланғочлик ва оғир меҳнат туфайли азобда, қийинчиликда яшайди. Уни ушбу азоблардан, қийинчиликлардан кутқармай жамиятда адолатни қарор топтириш мушкул. Шунинг учун донишманд ёзади: «Адолат-Осмон остидаги энг кимматли нарсадир».<sup>2</sup>

Донишманд адолатли кишиларга ўз эҳтиёжларига мувофиқ иш, амал билан шугулланиш имконини беришдадир, деб тушунади. У адолатни девор тиклашга қиёслайди. Фишт терувчи ва лой ташувчи ўз вазифаси билан шугулланиши керак. Ана шунда девор ўз вактида ва сифатли тикланади. Агар Конфуций адолатни жамиятдаги табақалар, синфлар ўртасида субординацияни саклаш орқали қарор топтириш мумкин деб ҳисобласа, Мо-цзи бу принципни инкор қилади. У табақавий итоат ўрнига «умумий меҳр-муҳаббат» принципини илгари суради. У, ҳеч ким аждодлари насл-насабига қараб лавозимлар эгаллаши мумкин эмас, ҳар ким ўз иқтидорига яраша иш қилса, «адолат қарор топади, деб билади. Жамиятни табақа-синфларга бўлиш эмас, балки унда барчага тенг «умумий меҳр-муҳаббат»ни қарор топтириш мухимdir. Факат «умумий меҳр-муҳаббат адолатлидир».<sup>3</sup>

Мо-цзи Конфуцийнинг «Осмон иродаси» ғоясими ҳам рад этади. Ҳаётнинг ўзгариши, кишилар ўртасидаги муносабатлар Осмон иродасига эмас, балки кишиларнинг сайд-харакатлари, харакатлари ва меҳнатига боғлик. Шу билан бирга Мо-цзи, адолатнинг қарор топишида Осмон ва Руҳларнинг ўрни бор, дейди. Бу донишманд қарашларидағи зиддиятли томондир.

<sup>1</sup> История китайской философии. М.: «Прогресс», 1989.—С.76.

<sup>2</sup> Ўша китоб. —С.167.

<sup>3</sup> Ўша китоб. —С.200.



Мо-цзининг давлат генезиси ҳақидаги фикрлари қизиқарлидир. Дастрлаб одамлар пайдо бўлишида жазо қўлланилмаган, демак, кишилар ўртасидаги адолат ҳақида тушунчалар ҳар хил бўлган. Ҳар кимнинг ўз тушунчаси, ўз талкини бўлган, ҳар ким ўз қарашини тўғри деб билган ва бошқанинг фикрини рад этган. Натижада кишилар ўртасида душманлик авж олган. Оиласда ота-бала, оғаниилар бир-бирларига душманга айланган ва бир жойда яшашибмаган. Осмон остидагилар олов, сув, заҳар оркали бир-бирларига зиён етказганлар; шунинг учун кучлилар заифларга ёрдам бермаган, бадавлат кишилар ортиқча маҳсулотларини ғариблар билан баҳам кўрмаган, ўз айш-ишратига сарфлаган, оқил кишилар тажрибасизларни тўғри йўлга солмаган, ўз билимларини яширган. Тартибсизлик ва бошқариш ҳамда раҳбарликнинг йўклиги натижасида Осмон остидаги эзгу амалли ва оқил кишини ўзига «Осмон ўғли» деб танлашган... «Фақат осмон ўғли, – дейди Монзи, – Осмон остида адолатнинг бир хил намунасини яратади. Шу тариқа Осмон остида тартиб қарор топган. Оқил подшоҳ нимани тўғри деб қўлласа, ҳамма уни тўғри ҳисоблайди; нимани подшоҳ қораласа, ҳамма уни қоралаган. Кишилар ёмон, ҳасад сўзларни айтишдан тийилганлар, оқил подшоҳнинг эзгу сўзларига таклид қиласидилар...»<sup>1</sup>.

Мо-цзи кишининг баҳтиёр ёки баҳтсиз яшаши ҳаётда адолатнинг ўрнатилишига боғлиқ, деб билади. «Осмон адолатни севади ва адолатсизликни яхши кўрмайди. Агар кишилар адолатли иш қиласалар осмон ёқтирган нарсани қилган бўладилар. Агар мен осмон ёқтирган нарсани қилсан, у ҳам мен ёқтирган нарсани қиласди. Мен нимани яхши кўраман ва нимани ёқтирумайман? Мен баҳт ва фаровонликни севаман, баҳтсизликни ёмон кўраман... »<sup>2</sup>

Шунингдек, Мо-цзи жамият ва давлатни адолат принципига мувофиқ бошқариш ҳам Осмон иродасига мувофиқ амалга оширилади, деб ҳисоблайди. Ким осмон иродасига мувофиқ иш тутса тақдирланади, ким унинг иродасини бузса, албатта, жазоланади. Донишманд киши ақлу иродасини инкор этмайди, балки баҳтли, адолатли ҳаёт қуриш инсонга боғлиқ деб кўрсатади.

Конфуцийнинг эзгу амаллар билан бошқариш гоясини Мэн-ци (эр. авв. 372-289 йиллар) давом эттиради. Л. Фейербах «Мэн-ци Конфуцийдан кейин Хитойдаги энг буюк файласуфдир»<sup>3</sup> деган эди. Мэн-ци ўз қарашларини «халқ қалбини топиш» деб атаган.

<sup>1</sup> История китайской философии. –М.: «Прогресс», 1989. –С.190-191.

<sup>2</sup> Ўша китоб. –С.194.

<sup>3</sup> Ўша китоб. –С.206.



«Халққа у истаган нарсаны бериш», «халқ севмайдиган нарсаны севмаслик» аввал халқны қадрлаш, кейин рухларни, энг охирида эса подшоҳни, юқори табақаны эслаш керак, деган фикр донишманд назарий концепциясининг магзини ташкил этади. Күч ва зўравонлик билан кишиларда адолат туйғусини шакллантириб бўлмайди. Инсон табиатан эзгудир. Шунинг учун у адолатни эзгу амаллар билан шакллантиришни, қарор топтиришни истайди. Адолатни шакллантириш инсон аклу идрокига боғлиқ. «Адолат, дейди донишманд, жуда улуг ва ўта мустаҳкам туйғу... Агар адолат туйғусини аклу идрок тарбияласа, у Осмон ва Ер ўртасидаги маконни тўлғазади». Адолат туйғусини тарбиялаш ва шакллантириш билан шуғулланмайдиган кишини Мэн-цзи юзага чиқсан кўчатни парвариш қилмаган дехқонга қиёслайди.

Донишманд адолатни мудом инсонга хос туйғу деб билади. У, «сугат ҳисси ва қаҳр – адолатнинг асосидир... Инсонпарварлик, адолат, урф-одатлар ва билишга қобилият бизга ташқаридан берилмайди, улар бизга мудом хосдир, лекин биз улар ҳақида ўйламаймиз», деб ёзади. Бу ўринда Мэн-цзи ўзининг «адолат туйғусини тарбиялаш керак» деган фикрига ўзи қарши чиқаётганини кузатамиз.

Мэн-цзи Шарқ давлатчилиги тарихида биринчи бўлиб хусусий мулкни назарий асослашга ва ёқлашга интилади. У хусусий мулкни (хэнчань) мамлакатда осойишталиқ, фаровонлик, бир-бирини хурмат, бошқаришни тўғри олиб бориш асоси деб билади. У қонунлар ҳам, ахлоқ ва эзгу амаллар ҳам адолатни, адолатли жамиятни барпо қиломайди, қонунлар ҳам зарур, хулк-авторларни шакллантириш, тарбиялаш ҳам лозим деган фикрга келади.

Донишманд инсон табиатан эзгу, эзгуликни севади, деб билади. Агар унда қарши сифатлар пайдо бўлса, бунга ён-атроф, мухит сабабчидир. Жамиятда эзгуликнинг, адолатнинг, тўғриликнинг камлиги айрим кишиларда заرارли хислатларни келтириб чиқаради. Бу ўринда кишиларнинг мулкка эга бўлмаслиги асосий омил хисобланади.<sup>1</sup> Шунинг учун у халққа хусусий мулк бериш ёки уни «хусусий мулк эгаси килиш»ни ёқлаб чиқади. Ана шунда халқ тўқ ва фаровон яшайди, ўзини ўзи иш билан банд этади, жамиятдаги урф-одатларга, адолат нормаларига риоя этиб бошқаришни тўғри олиб боришга имкон беради.

<sup>1</sup> История китайской философии. -М.: «Прогресс», 1989. -С.94-95.



Мэн-цзи Конфуций ва унинг издошлари тан олган Осмон иродаси ва тартибларини жамият ва давлатни бошқариш учун зарур деб билди. Шу билан бирга у Осмон ҳохиши билан инсоннинг ички ҳолати, онгини ўйғунлаштириб субъективизмга ён босди. Унинг «Барча нарса ичимиздадир»<sup>1</sup> деган холосаси ана шу ёндашув натижасидир.

Сюнь-цзи (эр. авв. 313-235 йиллар) Конфуций асос соглан «давлат хизматчилари мактаби» тарафида туриб олдинги назарий-фалсафий ва ижтимоий-ахлоқий қарапшларни танқидий ўрганиб чиқди. «Давлат тақдири хулқ-атворга боғлиқдир», «хулқ-атвор давлатни мустаҳкамлаш асосидир»<sup>2</sup> деган фикрларни илгари сурди. Агар амалдорлар қонунлардан кўркса ва ахлоқ мөъёrlарига риоя этса, жамиятда ҳеч қачон зўравонлик, адолатсизлик бўлмайди. Донишманд қонунларни, адолатни бузганларни қаттиқ жазолашга, хулқ-атвор, ахлоқ нормаларига риоя этганларни эса тақдирлашга чакиради.

Донишманд одам табиатан ёвуз, зўравонликка мойил, деб билади. У одам эзгу амаллар ва яхши фазилатларни амалий фаолияти, жамиятда орттирган тажрибалари орқали шакллантиради деб хисоблайди.<sup>3</sup> Ушбу ёндашувдан келиб чиқсан, инсоннинг адолатга бўлган интилиши ҳам унинг ўзида шакллантирган тушунчаси, тасаввуридидир. Демак, адолат ҳақидаги тушунча, қарап тумса сифатлар эмас.

Конфуцийнинг эзгу амаллар, ахлоқий мөъёrlар билан бошқариш гоясини қўллаб-куватлагани учун Сюнь-цзи «буюк конфуцийчи» сифатида тарихга кирган, унинг исми ёзилган битик 400 йилдан зиёд конфуцийлар ибодатхоналарида илиб кўйилган. Одам табиатан ёвуз, зўравон деб хисоблагани учун ушбу битик Цзя-цин (1522-1566) даврида конфуцийлик ибодатхоналаридан олиб ташланди.

Юкоридагилардан маълум бўладики, қадимги Хитойда Конфуций ва унинг издошлари адолат ҳақида турли қарапшларни илгари сурғанлар, гоҳо улар бир-биirlари билан баҳсга киришган, бир-бирини рад этишган. Фикрлар, ёндашувлар плурализми сиёсий фалсафанинг ривожланишига олиб келган. Бу жараён ўрта асрларда ҳам, янги даврда ҳам давом этди, унга янгидан-янги концепциялар кўшилди. Ана шундай ёндашувлар туфайли конфуцийликни ривожлантиришга бетакрор ҳисса қўшган икки аллома – Лю Шао ва Ли Гоу ҳақида сўз юритамиз.

<sup>1</sup> История китайской философии. –М.: «Прогресс», 1989. –С.98.

<sup>2</sup> Ўша китоб. –С.143.

<sup>3</sup> Ўша китоб. –С.158.

## 5-§. ЛЮ ШАО ВА УНИНГ ИҚТИДОРЛАР ҲАҚИДАГИ ҚАРАПЛАРИ

Хитойда давлат хизматчиларини танлаш ва улар иқтидорига қараб вазифалар, лавозимлар бериш тартиби жуда қадимдан шаклланган. Назарий билимлар ва бошқариш усулларига оид анъаналарни эгаллаб олганига қарамай Конфуций махсус синовдан ўтолмаганидән афсусланиб, «мен ейилмайдиган қовокман» деган экан (чамаси қадимги Хитойда шундай қовок ўстанга ўхшайди). Бу хизматчиларни танлаб олишда қаттиқ тартиб, алоҳида синов, имтиҳон ўтказилганидан дарак беради. Кейинчалик конфуцийлик-нинг ўзи ҳам давлат бошқаришига оид мактаблар ва анъаналар яратди, улардан узоқ асрлар давомида Хитойда сиёсий-фалсафий ва ижтимоий-ахлоқий мерос сифатида фойдаланилди. Ушбу меросга оид намуналардан бири Ш-асрда яшаган Лю Шаонинг инсон иқтидорлари тўғрисидаги қарашларидир.

Лю Шао буюк Хан империяси таназзулга юз тутган, ижтимоий, иқтисодий ва маданий ҳаётда зиддиятлар авж олган, табакалараро низолар мамлакат бирлигига хавф солаётган даврда яшади. У ватанпарвар олим ва мутафаккир сифатида авж олаётган инқирозларни тўхтатиш, низоларни бартараф этиш ҳақида фикр юритиши, маълум бир таклифлар ишлаб чиқиши табиий бир ҳол эди. Донишманднинг «Инсон иқтидорлари ҳақида» («Жэнь учжи») асари ана шу мақсадда ёзилган.

Асар жамият ва давлатни бошқариш ишлари инсонни билишдан бошланади, инсонни билиш эса унинг характеристи, туйгу-кечинмалари, билишлари ва бошқалар билан алоқаларини кузатишни тақозо этади, деган гояга қурилган. Лекин инсон ушбу сифат ва хислатларида мутлақ эркин эмас; Осмон билан Ер, Буд билан Башар ўртасида илоҳий уйғунлик, боғлиқлик мавжуд. Агар Осмон тартиблари бузилса Ерда оғатлар кўпаяди; агар Буд талаблари унүтилса Башар таназзулга юз тутади. Осмон-Ер-Буд Башар учун яратилмаган, улар ўзи учун мавжуддир; Башар уларнинг тартиблари ва талабларига монанд яшаганида комилликка, дао-йўлга этади. Шунинг учун Башардаги бешта сифат сурат, забон, кўриш, эшитиш ва фикрлаш Осмон-Ер-Буд тизимининг субстанцияси бўлган бешта моддийлик – сув, олов, дарахт, сўз ва тупроқ билан ҳамоҳанг; аслида ботиний жиҳатлар ушбу зоҳирий моддаларнинг инсон хатти-ҳаракатларидағи инъикосидир. Ушбу мунофий томон-



лар Ян (ижобий, ёруғлик, эркак) ва Ин (салбий, қоронгулик, аёл) кутбларининг ўзаро яқинлашуви, қўшилиши тарзида келади. Бу ўринда Лю Шаонинг ўз гоясини асослашда Хитой натурфалсафасининг қадимий анъаналаридан келиб чиққани, давлатни бошқаришга Осмон-Ер-Буд-Башар тизимининг асло унга зид бўлмаган кисми сифатида қарагани кўзга ташланади.

Олим инсондаги бошқариш иқтидорларининг 4 та қонуниятлари, 4 та мактаблари мавжуд ва улар 9 та характер, туйғу-кечинмалар, 7 та алдоқчи, сохта таассуротлар, забондаги 3 та қусур, муроқбадаги 6 та охир-натижа ва 8 та қобилиятларни кузатиш, билиш орқали аникланади, деб қарайди. Барча тафсивлар ушбу сифатларни очиб бериш билан боғланадики, Хитой фалсафаси, тафаккури ва фикрлаш анъаналаридан бехабар кишига улар гўё алдов маҳсулни бўлиб туюлади. Тўгри, баъзи фикрлар бир мунча алдовдан холи эмас, уларда мантиқ, изчиллик бузилганини кузатамиз. Лекин донишманднинг аксарият мулоҳазалари ва тафсивларида ҳаётийлик устун туради. Ҳатто инсондаги айrim сифатлар Лю Шао тасвирида қандай бўлса, ҳозир ҳам шундайдир.

Донишманд эътиқодига кўра, иқтидорсиз одам йўқ, лекин давлат хизматчилари лавозимига даъвогарлар маҳсус кузатилиши, ўрганилиши лозим, чунки «бошқариш минг-минглаб кишилар тақдирни билан боғлиқ нозик амалдирки, уни тасодифий шахсларга ишониш маъқул эмас». Агар одми одам адашса, хатога йўл кўйса, у катта зарар кўрмайди ва кўрган зарарини тез қоплаши мумкин; аммо амалдор адашса, унинг хатоси халққа бекиёс ва узоқ йилларда ҳам тўғриланиши даргумон зарарлар келтиради. Шунинг учун Лю Шао бўлғуси давлат хизматчилари иқтидорини билишга оид маҳсус талаблар ишлаб чиқади.

**Биринчи талаб** кишини нима мақсад чулғаб олгани ва унинг бошқаларга қандай ёрдам беришини кузатишдан иборат. Киши тўгри ёки риёкор бўлиши мумкин. Риёкорда зарар туйгулар хуш ниятлардан устун келади. Бу ҳолда кишининг мақсадини билиш кийин. Бироқ, бошқаларга ёрдам беришини кузатиб унинг мақсадини англаш мумкин. Демак, ҳаракатларига ва бошқаларга хайриҳоҳлигига, бегараз кўмакларига қараб кишининг дилидаги мақсади аникланади.

**Иккинчи талаб** одатда қандайлигини аниклаш учун кишининг кайфияти ва ундаги ўзгаришларни кузатишдан иборат. Кайфият жуда тез ўзгарувчан ҳолат, ҳис, туйғу-кечинмадир; шу боис у



дилдаги мақсадни жуда моҳирона яшиrolади. Гоҳо кайфият кишини алдаб, унда нотўғри фикр ва хулосалар тұғдирали. Кайфият негизида иқтидорни илғаш қобилиятига эга бўлмаган киши унинг ваъдаларига, амалпаратнинг сохта жонкуярлигига лаққа ишонади. Шунинг учун ҳукмдор кишиларнинг сўзлари ва жавобларини кузатиши, таҳлил қилиши даркор. «Алфозлардан нутқнинг чинлигини, жавоблардан ақлу фаросатнинг юқори ёки пастлигини, забонни тинглаб, жавобни таҳлил қилиб, бошқалар ҳақида кўп нарсаларни билиш мумкин».<sup>1</sup> Демак, кайфият-зоҳирий белги, уни юзага чиқарувчи - забондир.

Учинчى талаб кишини бошқалар қандай баҳолаётганини билишга қаратилган. Бунинг учун эса киши сифатларини кузатиш лозим. Икки ёки ундан зиёд сифатлар уйғуналашиб келса, бундай кишини бошқалар юқори баҳолайди. Қомати тик, билаги куч-куватта тўлиқ кишини «чиройли», ушбу сифатлари устига эзгу амаллари қўшилса – «хуш ахлок», Осмон тартиблари ва қонуниятларини билиса – «қобилиятли», тўғри сўз ва эгилмас иродали бўлса – «маъсулниятли», эзгу сифатларини билим билан безаса – «ички маданиятли» деб аташади. Шу сифатларига қараб кишини бошқалар баҳолайди<sup>2</sup>!

Лю Шао кишининг, чин хатти-ҳаракатларига қараб, унинг сохта хатти-ҳаракатларидан фарқлаш зарур, бунинг учун ушбу хатти-ҳаракатларнинг боисини кузатиш талаб этилади, деб кўрсатади. Чин хатти-ҳаракатларни сохта хатти-ҳаракатлардан қандай фарқлаш мумкин? Ушбу азалий ва мураккаб саволга донишманд жавоб бергандек бўлади. Агар киши, деб фикр юритади Лю Шао, очиқ кўнгил ва мулоийм бўлса, у эзгу ниятли ва эзгу амалли; бошқаларни бадном этишни кўзлаша – маънавий чекланган, факат бошқаларни қоралаш билан шугулланса – шумният, мугомбир, меъёрини билиб дао-йўл тартибларига риоя этса – билимдон, меъёрини билмаса такаббурдир. Билимдон, эзгу амалли ҳам, маънавий чекланган, мугомбир ҳам лавозимга интилишларда муентабиклир, аммо моҳиятсан, асл боисига кўра, улар бир-биридан фарқ қиласди. Ваъдабоз жувонмард кўринади, аслида у алдоқчи бебурд; нокор қобилиятли кўринади, аслида у бесамар, талантсиз; ҳовлиқма ижодкор кўринади, аслида эса у бекарор, енгилтак; қораловчи жонкуяр кўринади, аслида у бадният, шум бўлиши мумкин. Гоҳо улугвор мақсадни кўзлаган киши кичик мақсад билан яшаётган кимсага телба, савдоий кўринади, аслида эса

<sup>1</sup> Искусство властвовать. –М.: «Белые альбы», 2001. –С.179.



биринчисидан эл-юртта фойда кўп; йирик ақлнинг мулоҳазалари сийка фикр эгасига ғоғиллик, мутакабирлик туюлади, аслида эса келажакни аҳли аълам ёритиб келади... Забон ва сурат орқали чинни топиш мушкул; туйғу-кечинмалардаги зиддиятлар, омиллар аникланмаса, диккатга сазовор сифатлар эътиборсиз қолади. Шунинг учун кишининг хатти

-ҳаракатларини, ижтиҳодларини кузатиб чинни соҳтадан фарқлаш мумкин.<sup>1</sup>

**Навбатдаги талаф** кишининг зийраклиги ёки тобелигини билишга қаратилган. Бунинг учун кишининг муҳаббати ва бошқаларга ҳурмат кўрсатишини кузатиш лозим.

Мутафаккир муҳаббат ва ҳурмат кўрсатиши инсоний хислатларнинг олийси деб билади. Муҳаббат – юксак эзгу хислат, ҳурмат кўрсатиш – дао-йўлга етакловчи зийнат; муҳаббат – мусиқадаги бош мавзу, ҳурмат кўрсатиш эса ахлоқ ифодасидир. Киши ҳаётини муҳаббат ва ҳурмат етакласа, демак, унинг қалбida дао-йўл ва дэ-эзгулик тартиблари қарор топган бўлади. Лекин муҳаббат ҳурматдан, ҳурмат муҳаббатдан кам бўлмаслиги даркор; агар ҳурмат муҳаббатдан зиёд келса, у тўғри ва покдил кишиларни ўзига тортса-да, бошқаларга маъкул келмайди ёки ҳурматдан муҳаббат зиёд келса, бошқалар шод кўринса-да, ундан тўғри ва покдил кишилар ҳурсанд бўлмайди. Ҳурматнинг узоқ давом этиши даргумон; унда фидойилик йўқ, балки айrim сифатлардан фархланиш, уларга эргашиб, иктидо бор; муҳаббат эса муштарак ҳистайтуйгулар ва эзгу ниятларнинг муаббад уйғунлигидир. Муҳаббати ва бошқаларга ҳурмат кўрсатишига қараб киши қандай хислатларни қалбига жо этганини ёки қайси амалларни ўзлаштирганини билиш мумкин. Инсондаги ҳеч бир туйғу-кечинмалар ва сифатлар, унинг муҳаббати ва бошқаларга ҳурмат кўрсатишидек тўла ошкор бўлмайди.

Донишманд олийхиммат ёки ҳимматсизлигини билиш учун кишининг қувонч, ранж, ёқтираслик, ийиш, ўч, нафрат билан боғлиқ руҳий ҳолатларини кузатиш керак, деб ҳисоблайди.

Кишилар ўзига ёқадиган хабарларни эшитганида қувонади: жангчилар ғалаба ҳақидаги эълонни, хизматчилар бошқаришни такомиллаштиришга оид тавсиялар ишлаб чиқилганини, устамонлар янги усуслар яратилганини, адолатпешалар норозиликларни бартараф этиш чоралари топилганини, савдогарлар мол-мулк ортириш имкони туғилганини, мансабга яқинлар янги лавозимга кўтаришганини шод бўлади. Демак, ғалаба бўлмаса

<sup>1</sup> Искусство властвовать. –М.: “Белые альвы”, 2001. –С.179.



жангчилар ғазабланади, бошқаришни такомиллаштиришга оид тавсиялар яратилмаса хизматчилар озор чекади, норозиликларни тинчтитувчи чоралар топилмаса адолатпешалар надомат тортади, зарур усуулар яратилмаса устамонлар қийналади, мол-мulk орттириш имкони бўлмаса савдогарлар ўй-ҳаловотини йўқотади, янги лавозимга кўтарилилмаса мансаб атрофидагилар қаҳр-ғазабга минади. «Алҳақки киши истакларига мувофиқ ўз иқтидорини, қобилиятини намоён қилишга имкон топмаса, у хавфли душманга айланади».<sup>1</sup> Бироқ, олийҳиммат киши билан майда одамнинг интилишларида фарқлар мавжуд. Олийҳиммат киши юкоридаги ҳолларда сабр-тоқат кўрсатади, волий имконини ҳисобга олади, зарур пайтда имтиёз, лавозим, мукофотлардан воз кечади, йикқанларини эл-юрт эҳтиёжларига сарфлайди; майда одам эса унинг батамом аксидир. У арзимас эътиборни бошқаларнинг ўзидан кўркиши деб қабул қиласди, агар давраларда мақтов эшитмаса хафа бўлади ва танқид учун ўч олади.

Лю Шао кишининг қадр-кимматини билиш учун унинг камчиликларини, қусурларини кузатиш керак деган талабни кўяди. Кишилар тор иқтидорли ва кенг иқтидорлидир. Тор иқтидорли кишидаги сифатлар унинг оддийтигидан; қаттиклиги – бераҳмлиги, муросасизлиги – мутакаббирлиги, ўжарлиги эса калтафаҳмлигидандир. Шунинг учун тор иқтидорларнинг бошқалар олдидағи қадр-киммати пастдир ёки ушбу иллатлар кенг иқтидорларда учраса уларнинг қадр-киммати Осмон, дао-йўл олдида аянчилидир. Демак, тор иқтидорли ҳам, кенг иқтидорли ҳам такомилга муҳтоҷ; камолот дао-йўлда, ўзини ўзи такомиллашдадир.

Лю Шао эшитиш нағислиги ва кўриш аниқлигини кузатиш иқтидорларни аниклашнинг энг муҳим талаби деб билади. У асарининг барча бобларида ушбу талаб ҳақида сўз юритади. Эшитиш нағислиги деганида мутафаккир мусиқани англаш, туйиш қобилиятини назарда тутади. Конфуцийликда мусика Осмон, илохий куч тимсоли сифатида талқин қилинади. Шунинг учун давлат хизматчилари мусиқани билиш шарт ҳисобланган. Кўриш аниқлиги кишини аълам қиласди. Аммо эшитиш нағислиги ҳам, кўриш аниқлиги ҳам дао-йўлга элтганида, иқтидорлар бошқариш ишларига лойикдир. Дао-йўл комиллик, етуклик йўлидир. Демак, давлатни бошқарувчи комил, етук, дао-йўлга етган шахс бўлиши керак. Аммо, деб ёзади Лю Шао, «кишидаги барча иқтидорлар ичида энг юксаги инсонийликдир».<sup>2</sup>

<sup>1</sup> Искусство властвовать. –М.: «Белые алывы», 2001. –С.228.

<sup>2</sup> ўша китоб. –С.231.



Давлат бошқариши, ижтимоий муносабатлар марказига инсонни билиш талабини кўяр экан Лю Шао шахсан кузатиш усулига ургу беради. Унинг фикрига кўра, бирорларнинг таснифи, деганларига ишониш иқтидорларни аниқлаш учун мезон бўйломайди, чунки кишилар адашиши, шахсий майлидан келиб чиқиши, гоҳо эса бадниятларига етиш учун идора ишларини барбод қилиши кўзлаши мумкин. Уларга бойлик тўплашгага, лавозим эгаллашга ўчилик, буюкни арзимас, янгини эски, аъламни аъмо, иқтидорни иқтидорсиз, хушниятни бадният, окни қора қилиб кўрсатиш, гоҳо уларни аралаштириб талқин қилиш одатлари хосдир. Кўпчилик эса умумхалқ манфаатларини ўз манфаатларига курбон этади, ўзидан ўзмокчи бўлганни чалиб йикитишдан қайтмайди ва ушбу иллатлари билан фаҳрланади ҳам. Бундан ташқари кишилар турли вазиятлар ва турли мураббийлар қўлида тарбия топганлар; улардан бири эрта дао-йўлга кирган, бошқаси эса уни тополмай сувора, бирининг мақсади тезроқ юқори лавозим топишида, бошқа бирининг мақсади билим олиш, аъламликка етишда. Ушбу зиддият ҳолларидан бошқариш ишларига лойик иқтидорларни факат дао-йўлга етган, Комил ва Оқил Осмон фарзанди-волий, хукмдор топиши мумкин.<sup>1</sup>

Албатта, юқоридаги тафсивлар ва назариялар бироз бўлса ҳам алдовдан холи эмас. Талабларнинг қонуниятлар даражасига кўтарилиши ҳам эътиrozлар уйғотади, чунки улар илмий-назарий жихатдан асосланмайди, балки тайёр, ўзгармас қонунлар сифатида тақдим этилади. Бироқ асарни баҳолаётганда Хитой халкининг тарихий-маданий анъаналари, тафаккур усуслари ва сиёсий-фалсафий изланишларидан келиб чиқиш лозим.

Донишманд ўз назарияларини мутлақ етук деб ҳисобламайди, чунки инсонни тўлиқ билиш мумкин эмас. Лекин инсон ўз фаолиятини кўпроқ билишга интилади, бу йўлда у тинмай синовлар ўтказишдан, ҳатто, навбатдаги изланишлари ҳам ўткинчи эканини туйса-да, вақт, куч ва маблағ сарфлаб янги тизимлар, тартиблар, бошқариш усуслари кашф этишдан тўхтамайди. Инсондаги ушбу изланишларни чеклаб, тақиқлаб бўлмайди, бироқ улар Осмон тартибларига, аждодларнинг урф-одатларига, инсонийлик ва ахлоқ қонуниятларига мувофиқ келиши шарт. «Олижаноб киши лавозимга кўтарилганида ахлоқий тартибларни бузмайди, ҳатто уларни бузишин хаёлига ҳам келтирмайди. Ботинан у мақсадида барқарор, зоҳиран эса камтар, муросада яшовчи, бошқаларга хурмат кўрсатувчи, сабр-тоқатли; унга дилозорлик ва қайгулар бегона, унга мудом омад ҳамроҳдир».<sup>2</sup>

<sup>1</sup> Искусство властвовать. –М.: “Белые альбы”, 2001. –С.210.

<sup>2</sup> Уша китоб. –С.243-244.



Тахт, лавозим атрофига азалдан кураш борганини Лю Шао яхши билади. Шунинг учун у инсонийликни унтиб бирини бири мавҳ этишни қоралайди. «Кураш ва ракиб излаш барибир биронинг қўли билан ўзини ўзи чоҳга итаришдир; баҳс, пичинг эса барибир биронинг тили билан ўзини ўзи ҳақоратлашдир... Кураш, ракиб излаш кишининг ботинида олижаноблик етмаганидан, зоҳираиде эса бошқаларга бераҳмлигидан келиб чиқади. Икки аълам курашса, ён босгани хуш ахлоқдир; икки томон ёвлашса, куч ишлатгани зарарли ахлоқдир. Олижаноб киши бўйин эга туриб кейин қаддини тиклайди, ҳақоратга чидаб ракибини енгади. Охир натижада омадсизлик омадга, ракиблар дўстга айланади, душманлик ва нафрат авлодларга қолмайди. Ахир кишидаги ушбу хуш сифатлар эзгу ва фойдали эмасми?...»<sup>1</sup> Шунинг учун ҳам Лю Шао инсон моҳиятидаги энг муҳим жиҳат «яқинликни ва оралиқни саклаш»<sup>2</sup>дир деб кўрсатади. Умуман конфуцийлик бошқариш ишларида қарама-қарши томонлардан бирини ёқладб, зиддиятларни кучайтираслик, яъни, ҳозирги тил билан айтганда, консенсус принципини кўллаб-кувватлади.

Лю Шао иқтидорларни ўн иккита таснифга ажратади. 1) Соғ ва пок иқтидорлар. Ушбу иқтидорлар тақлид қилишга лойик сурат ва сийратта эга. Уларни мураббийлик лавозимига тайинлаш мумкин. 2) Конунчилар. Мазкур иқтидорлар давлат учун зарур ҳуқук, тартиб ва қоидаларни ишлаб чиқади; шунинг учун улар юридик ишларни олиб боришга кодир. 3) Топқирлар. Бу тоифа кишиларнинг фикрлари ўткир, қарорлари тез бўлади. Улар бошқариш усуllibарини тез ўзлаштириб оладилар. Шунинг учун уларни маъмурий ва ҳарбий лавозимларга кўйиш мумкин. 4) Юқоридаги уч иқтидорларни ўзида тўла мужассам этганлар. Бу кишилар бошқариш ишларида давлатнинг таянчлариdir; уларнинг хизматлари ва бошқаларга таъсири туфайли давлат куч ишлатишга ҳожат сезмайди. Лю Шао ушбу иқтидорларни олий маъмурий ва ҳарбий лавозимларга тайинлашни тавсия этади. 5) Юқоридаги 1-3 иқтидорларни ўзида оз, кам мужассамлаштирганлар. Ушбу кишиларни вилоят ҳукмдори-канцлер лавозимига кўйиш мақсадга мувофиқдир. 6) Инжиклар. Ушбу иқтидорлар бошқариш ишларидаги майда-чуйдаларни яхши билади, амаллардаги кусурларни тез илгайди. Уларни мураббий ёрдамчиси қилиб тайинлаш мумкин. 7) Режали ва эҳтиёткорлар. Бундай кишилар бошқаларнинг хизматларини бажаришга, бошқариш ишларини ўйлаб, режа ва муроса

<sup>1</sup> Искусство властвовать. –М.: “Белые альбы”, 2001. –С.231.

<sup>2</sup> ўша китоб. –С.180.



асосида олиб боришига мойил. Уларни вилоят ҳукмдори (канцлер) ёрдамчиси лавозимига қўйиш мумкин. 8) **Устамон кишилар**. Ушбу иқтидорлар кутилмаган қарорлар қабул қилиб, янги бошқариш усулларини жорий этишга уста. Улардан курилиш ишларида фойдаланса бўлади. 9) **Конфуций издошлари**. Улар Устоз таълимотини яхши билади, аммо бошқариш ишларида нўнок. Улардан халқни юпатиш, тинчтиш, тарбиялашда фойдаланиш мақсадга мувофиқ. 10) **Ёзувчилар**. Ушбу иқтидорлар тарихни битувчилар – муаррих лавозимига қўйиш зарур. 11) **Мубоҳасачи** – баҳсчилар. Мазкур иқтидорлар силлиқ, равон гапиради, нутқдаги асл мақсадни тез англайди, лекин улар ҳақу ноҳаклик изламайди. Улар элчи вазифасини бажариши мумкин. 12) **Довюраклар**. Бу иқтидорлар совуққонлиги билан бошқалардан ажralиб туради. Улар лашкар боши лавозимига муносибdir.

Лю Шао иқтидорларни таснифлар экан уларни аниклаш қонуниятларини ҳам кўрсатади. **Биринчи қонуният**. Осмон талабларига мувофиқ ҳаётни бошқаришни ўзгартириш йўли – «дао ли». «Дао ли» қонуниятига кўра ҳаётни ўзгартириш, бошқариш ишлари одам устига юклатилган. Аммо, у Осмон талабларига бўйсунади, Осмон билан Ер ўртасидаги илоҳий яқинликни сақлайди, ушбу яқинликни бузувчи нарсалардан, энг аввало бойлик, ортиқча важ орттиришдан воз кечади. «Дао ли» йўли тарафдорлари характеристига кўра босик, вазмин, муносабатлари текис, мулоҳазалари табиий, ўринли ва ҳозиржавобдир. **Иккинчи қонуният**. Бошқаришни қонулар ва тартиблар асосида олиб бориш – «ши ли». Бошқариш ишларида умумий мақсадга йўналирилган қонулар, тартиблар бўлиши шарт, акс ҳолда жамиятда бошбошдоклик, анархия авж олади. Кишилар ўртасидаги аҳиллик, иттифок қонулар ва тартиблар билан ўрнатилади. «Ши ли» тарафдорлари ўз фаолиятида жуда эҳтиёткор, синчков, идора ишларида чакқон, фавқулодда муаммоларни ўрнида ҳал этишга қодир. **Учинчи қонун**. Конфуцийлик анъаналаридан унумли фойдаланиш – «и ли». Умуман давлат хизматчилари тайёрловчи барча мактабларда Устоз таълимоти ва урф-одатлари чукур ўрганилган. Бу урф-одатлар кенг ва ҳар бир лавозим, ҳар бир вилоят ва бошқариш ишлари учун алоҳида кўринишга эга эдики, уларни ўрганиш кўп вақт, маҳсус тайёргарликни талаб қилган. **Тўртинчи қонуният**. Инсоннинг кечинма-туйгуларини билиш – «цин ли». Бошқариш ишлари билан шуғулланувчи кишиларнинг ички оламини, нима уларни безовта килаётганини ва қандай руҳий ҳолатда эканини билиш шарт ҳисобланган. Лю Шао фикрига кўра, бошқариш – инсонни билишдир.



Мутафаккирнинг юкоридаги қарашларида, жимият ва давлатни бошқариш ўта маъсулитли ва мураккаб вазифа, ушбу вазифани маҳсус билимларга ва инсоний сифатларга, фазилатларга эга кишиларга ишониб топшириш зарур, деган ғоя илгари сурилади. Бу аслида бошқариш ишларига антропологик ёндашувдир. Фарб сиёсий-фалсафий таълимотларида эса асосан институционал ёндашув устун туради.

Лю Шао инсон характеристида унинг фаолиятига таъсир этувчи сифатлар яширинган, шунинг учун иқтидорларни лавозимларга кўйишда ушбу сифатларни ҳисобга олиш даркор деб билади. Масалан, қаттиқ ва дағал кишилар майда юмушларни бажаришга мойил эмас, улар умум иш ҳақида кенг ва олийжаноб фикрлар билдирулар-да, нозик ишларга юзаки қарайди, кўл остидагиларни ноўрин хафа килиб, бошқариш ишларини чигаллаштиради. Бундай бераҳм амалдорларда маслаҳат ва ёрдамга муҳтож кишиларга ён босиш, шарт-шароитга қараб ҳукм чиқариш иқтидори йўқ. Улар мослашишни, зийракликни талаб этадиган жойда ақли ноқислик кўрсатиб бошқаришни зўравонлик куролига айлантиради. Қатъиятли кишилар иш моҳиятини тез илгайди, улар вазифасини бажариш учун ҳар қандай тўсиқни енгишга тайёр. Бироқ улар дао-йўлга етгач, ўта соддадиллик, ҳатто нўноклик кўрсатади. Сўзамол кишилар тез ва кескин фикрлар билдиради, улар ён-атрофидаги воқеалардан яхши хабардор бўлади. Лекин улар халқи, ватани олдидаги бурчани адо этишда куруқ сўзлардан нарига ўтишаолмайди. Калтафаҳм кишилар чуқур мuloҳаза қилолмайди, улар майда-чўйда гапларга, фисқу фасодга мойил, иш моҳиятига этишда ҳовлиқма, амалда сусткашдир. Марҳаматли кишилар олийжаноб фазилатларига қарамай, бошқариш ишларида тез ҳаракат қилмайди, муаммоларни ечишни пайсалга солади. Улар дадиллик билан кўнгилчанликни аралаштириб юборади. Умуман юмшок, нозик дил кишилар идора ишларига ярамайди...<sup>1</sup>

Кўриниб турибдики, Лю Шао амалдорларнинг ижтимоий ва психологик портретини чизиб беради. Тўғри, уларнинг ҳаммасини мутлак ҳакиқат деб бўлмайди. Уларда объективликдан маълум бир ижтимоий тажрибаларга таянишдан кўра субъективизм ҳам мавжуддир.

Жамият ва давлатни бошқаришда ҳукмдор ва унинг ижтимоий-сиёсий, шахсий-маънавий фазилатлари муҳим ўрин тутади. Шу боис Лю Шао ҳукмдорни иқтидорлардаги барча

<sup>1</sup> Искусство властвовать. –М.:”Белые альвы”, 2001. –С.231-233.



ижобий сифатларни ўзида мужассамлаштирган, «Осмон ости қонунларини ва одамларни бошқариши биладиган» Комил ва Оқил инсон деб атайди. У кишилардаги эзгу хислатларни кўллаб-кувватлайди, халқ ҳазар қиласидаги ишга кўл урмайди, баҳсада голиб келса кеккаймайди, Устоз таълимотини фуқаролар қалбига жо этиш ҳақида ўйлади. Унинг учун «инсонийлик барча сифатларнинг улуғидир».

Хукмдор, Лю Шао тавсифига кўра, нодир иқтидорли ва довюрак бўлиши лозим. Агар у нодир иқтидорли бўлсаю довюрак бўлмаса, ботирлар унга хизмат қилишни истамайди ёки у довюрак бўлсаю нодир иқтидорли бўлмаса, оқиллар унинг тарафдорига айланмайди. Мабодо хукмдор нодир иқтидорли ва довюрак бўлса, унга ботирлар ҳам, оқиллар ҳам бўйсунади. Ана шунда, у буюк ишларни амалга ошириши мумкин.

Лю Шао иқтидорларни аниклаш мураккаб иш эканини таъкидлайди. «Ҳар бир иқтидорнинг ўз мезонлари бор, – деб ёзади у, – шунинг учун ҳаммага бир мезон билан ёндашиб бўлмайди...»<sup>1</sup> Иқтидорсиз киши йўқ, хукмдор иқтидорлардан ўз ўрнида фойдаланиши вожибидир.

Юқоридагилардан маълум бўладики, **биринчидан**, жамият ва давлатни бошқариш ишлари маҳсус тайёргарлик кўриш ва иқтидорларни талаб этади. Шунинг учун: «Хукмдор хукмдор бўлсин, хизматчи – хизматчи, ота ота бўлсин, ўғил – ўғил», дейди у.<sup>2</sup>

Иккинчидан, бошқариш ишлари Осмон билан Ер, Борлиқ билан Одам ўртасидаги илохий уйғунлик, яқинлик, дао-йўл талабларига мувофиқ олиб борилади. Аммо «дао-йўл одамни эмас, балки одам дао-йўлни ўзгартиради».<sup>3</sup>

Учинчидан, иқтидорларнинг кўринишлари ва уларни аниклаш қонуниятларини билмаслик номуносиб кишиларни лавозимларга қўйишга олиб келади. Натижада бошқаришда юлгичлик, ноҳақлик, алдаш, зўравонлик авж олади. «Агар покдил кишиларга зарур эҳтиром кўрсатилиб, улар нопок кишилардан юқори қўйилса, халқ ҳам итоатда, садоқатда бўлади. Ёхуд сиз нопок одамларни эзгу амалли билиб, уларни пок, ҳақиқатан соғ кишилардан устун қўйсангиз, унда халқ итоат ҳам этмайди, садоқат ҳам кўрсатмайди».<sup>4</sup>

<sup>1</sup> Искусство властвовать. –М.:”Белые альвы”, 2001.–С.246-247.

<sup>2</sup> Мудрецы Поднебесной. –Симферополь, «Реноме», 1998. –С.113.

<sup>3</sup> Ўша китоб. –С.51.

<sup>4</sup> Конфуций. –Мн.: “Современное Слово”, 1998. –С.28



Тўртингчидан, иқтидорлардаги барча ижобий сифатларни ўзида жам этган Ердаги Осмон фарзанди, у Комил ва Оқил инсондир. Фақат у иқтидорларни тўғри баҳолаш ва лавозимларга кўйиши мумкин. «Кўкда икки қўёш бўлиши мумкин эмас, шунингдек, халқда ҳам икки ҳукмдор бўлиши мумкин эмас».<sup>1</sup>

Бешинчидан, бошқариш Устоз таълимоти, у яратган урфодатлар ва хулқ-атвор нормаларига таянади. «Агар сиз эзгуликка интилсангиз – халқ ҳам эзгу бўлади»<sup>2</sup> деган гоя уларнинг мағзидир.

Олтинчидан, иқтидорсиз киши йўқ, лекин оддий иқтидор билан Олий иқтидор ўргасида фарқ мавжуд. Олий иқтидор (император) – чавандоз, амалдор ва қонунлар – «сувлик», жилов, халқ эса от йилқидир.<sup>3</sup> Ҳукмдор жамият ва давлатни иқтидорларга ён босиш, муроса ва хулқ-атвор, инсонпарварлик қоидаларига мувафиқ бошқариши зарур.<sup>4</sup> Мутафаккирнинг ушбу иқтидорлар хақидаги қарашлари нафақат конфуцийликка оид тарихий-маданий, шу билан бирга ҳозир ҳам жамият ва давлатни бошқариш бўйича иқтидорли кадрлар тайёрлашда қўл келадиган назарий меросидир. Демак, Устоз таълимоти ўз моҳиятига кўра мамлакатимизда ўтиш даврида жуда аскотишини яна бир бора қайд қилиш лозим.

<sup>1</sup> Мудрецы Поднебесной. –Симферополь, «Реноме», 1998. –С.50.

<sup>2</sup> Ўша китоб. –С.113.

<sup>3</sup> Ўша китоб. –С.52.

<sup>4</sup> История китайской философии. –М.: “Прогресс”, 1989. –С.63.

## 6-§. ЛИ ГОУ ДАВЛАТНИ БОШҚАРИШ ҲАҚИДА

Конфуцийлик анъаналарини, унинг жамият ва давлатни бошқаришга оид қарашларини давом эттирган мутафаккирлардан яна бири XI асрда яшаган Ли Гоу (1009-1059 йиллар)дир. Оддий халқ ичидан чикқан олимнинг «Давлатни бошқариш ҳақида»ги (1039 йил) асари<sup>1</sup> Шарқ сиёсий-фалсафий ва ижтимоий-хуқуқий таълимотларига қўшилган улкан ҳиссадир. Эътиборли томони шундаки, олимнинг ушбу асари давлат хизматчилари тайёрлаш мактаблари (ўкув юртлари)нинг ўкув дастурларига киритилган, бўлгуси давлат арбоблари у бўйича маҳсус имтиҳон топширганлар.

Ли Гоу, давлатни бошқариш иқтисодий, ҳарбий ва ижтимоий соҳаларни йўлга қўйиш орқали амалга оширилади, дейди. Шунинг учун у асарида ушбу соҳаларнинг давлатни бошқариш ишларига таъсиirlарини тадқиқ этишга интилади.

«Қадимги комил подшоҳлар, – деб ёзди донишманд,–давлатни бошқаришни уни бойитишдан бошлаган. Давлатни бойитиш ҳисоб-китобда зиқналикка бориш ва халқ норозилигини уйғотадиган соликлар тўплаш эмас, балки асосий машғулотни ривожлантириш, пастдагиларнинг қашшоқликни сезмаслиги, юқоридагиларнинг истеъмол ва сарф-харажатда меъёрдан ошмаслиги демакдир».<sup>2</sup> «Асосий машғулот» деганида олим дехқончилик билан шугулланишни, ер ҳайдаб, буғдой етиштиришни назарда тутади.

Ли Гоу қадимги Хитой ҳаётига назар ташлаб, «олтин аср»да барча, ҳатто аскарлар ҳам ер ҳайдаш, буғдой етиштириш, яъни иқтисод билан шугулланган деган хulosага келади. «Буғдой-халқ ҳаётининг қон томири». Ердан унумли фойдаланган давлатда омборлар буғдойга тўлиқ бўлади, халқ оч қолмайди; халқ оч қолмаса, исён кўтариilmайди, хукмдор ҳокимииятини тинч бошқаради. Шунинг учун у давлатни бойитиш дехқончиликда, халқни фаровон ва тинч яшашини таъминлаш барчани ерни ишлашга тортишда, деб билади. Ушбу фикрларидан келиб чикиб олим текинтомоқ, ишёқмас, тайёрга айёр, давлат ҳазинасига кўз олайтирадиган замондошлиарини танқид қиласди, XI аср ижтимоий-иктисодий ҳаётига «олтин аср» тартибларини жорий этмоқчи бўлади. Бу олимнинг даврга нисбатан тараққиёт қонунларини тўғри англаб етмаган тарихийлиги эди.

Олим қадимги Хитойдаги аҳолини – олимлар («ши»), дехқонлар («нун»), савдогарлар («шиа») ва хунармандлар («гун»)

<sup>1</sup> Тўла номи қўйидагича: «Давлатни бойитиш режалари, кўшинни кучайтириш режалари, халқни тинччишиш режалари».

<sup>2</sup> Искусство властвовать. –М.: “Белые алъы”, 2001. –С.37.



душмани томонига ўтган аҳолини эзгу даъватлари билан ўзига оғдиришини назарда тутади. Қаерда самимийлик барқарор ва рух озод бўлса, кишилар конфуцийлик урф-одатларига риоя этса, отаси ва ҳукмдорини эъзозласа, ер ҳайдаш билан шугулланса, бу жойда эса ҳарбий кучни ишлатишга ҳожат йўқ; қаерда кишилар бад ахлоқлик кўрсатиб мавжуд тартибларга, урф-одатлар ва қонунларга қарши чиқса, ташки хавф туғилса, бу жойда подшоҳ (хукмдор) куч ишлатиши вожиб, бу давлатни идора этиш ва мустаҳкамлаш кафолатидир.

Олим бекорчиларни аскарликка олиш ва улар вақтининг тўртдан уч қисмини дехкончилик, қолган қисмини эса ҳарбий амалларни ўрганишга сарфлаши зарур деб таъкидлайди. Бирор хислатсиз, иқтидорсиз киши йўқ, аскарларнинг барчасига, уларнинг хислати ва иқтидорига мувофиқ иш топиб бериш мумкин. Демак, Ли Гоу таклифига кўра, қўшин, аскарлар давлатни нафақат ҳарбий мустаҳкамлашда, шу билан бирга уни моддий бойитища қатнашиши шарт.

Ижтимоий соҳадаги давлат бошқариши ҳалкни юпатиш, тинчлантиришдан иборат. «Осмон ҳалкни яратиши, ҳалқ учун ҳукмдор тайинлаши мумкин, лекин у ҳукмдор учун ҳалқни боқолмайди. Осмон ҳукмдорни тайинлайди, ҳукмдор эса ҳалқни боқади, бошқаради. Осмоннинг ҳукмдорни тайинлаши Осмоннинг ҳалқ манфаатларига қарши бир кишига меҳр кўйгани эмас. Ҳалқ ким кетидан эргашса, уни Осмон ўз ҳимоясига олади. Ҳалқ кимдан юз ўгирса, у Осмоннинг марҳаматидан маҳрум».<sup>1</sup> Демак, Осмоннинг марҳаматини қозониши учун подшоҳ (хукмдор) ҳалқ кайфияти билан ҳисоблашиши даркор. Шунинг учун ҳалқни юпатишни, тинчлантиришни илгариги комил ҳукмдорлар давлат бошқаришидаги бош вазифа деб билган. Унга, донишманд фикрига кўра, энг аввало панд-насиҳат, ўйтит, ҳалқ ахлоқини яхшилаш орқали эришилади.

Агар кишилар бошидан панд-насиҳат билан тарбияланмаса, у фарзандлик бурчи нимадалигини билмайди, оға-иниллик муносабатларини давом эттирмайди, фуқаро сифатида вазифасини адо этмайди, юқори билан паст кишилар ўртасидаги фарқларни ажратолмайди. «Ахир ҳалкни юпатиш ота ва боланинг зарур ахлоқий муносабатларда бўлишида, эр-хотиннинг яқинлиги ва самимий муносабатида камолатда умр кечиришида, оға-иниларнинг инок яшашида, ҳамюрларнинг бир-бирига ишонч кўрсатишида, хулас,

<sup>1</sup> Искусство властвовать. –М.: «Белые альбы», 2001. –С.125.



бойлик кетидан қувмасдан, куч кўрсатишга интилмасдан, ҳамманинг урф-одатларга итоат этиб, бир-бирига ён босиб, муросада яшашида эмасми?»<sup>1</sup> Ушбу вазифаларни тўла адо этган Чжоу давлати узоқ турди, уларга амал қилмаган Цин ҳукмронлиги эса таназзулга учради. Мана нима учун ҳалқни ўз ахлоқини яхшилаши учун панд-насиҳатларга, ўйтлар билан урф-одатларга ўргатиш даркор. «Ким панд-насиҳат олса, у осонгина хуш ахлоқли бўлади. Ахлоқли киши эса адолатта эргашади ва шу боис давлат мудаваф-фақиятли бошқарилади. Ким панд-насиҳат олмаса, у осонгина бадахлоқ бўлади. Бадахлоқ киши юқори лавозимга кўтарилса, ҳалқ озор чекади». <sup>2</sup> Бадахлоқ кишиларга давлатни бошқариш ишларини ишониш «туғилган чақалоқларни дев олдига ташлаш демакдир».<sup>3</sup>

Кўриниб турибдики, Ли Гоу конфуцийликни, аждодлар анъяналарига мувофиқ келадиган ахлоқий тарбияни давлат бошқаришининг асоси деб қарайди. Шунинг учун у ушбу фазилатларга эга кишини юқори лавозимга кўтариш тарафдоридир. Умуман бу меъёр Шарқ ҳалқларида кенг тарқалган ва кўлланилган, Фарбда эса кишининг ишчанлиги, сиёсий сифатлари эътиборга олинган, ҳатто, ҳокимият ва ахлоқ алоҳида-алоҳида воқеликлар сифатида қаралган.

Ли Гоу подшоҳ (хукмдор) ва ҳалқ ўртасидаги муносабатлар ҳақида ҳам фикр юритади. Ҳалқнинг подшоҳ (хукмдор)га, давлатга муносабати подшоҳ (хукмдор) ва давлатнинг ҳалқка муносабатига боғлиқдир. Заарли хислатларга эга подшоҳ (хукмдор) ўз фуқароларидан хуш ахлоқ бўлишни талаб этиши ғайриҳаётӣ; агар хукмдор конфуцийлик урф-одатларини ижро этмаса, уларни ҳалқдан ҳам талаб этолмайди. Натижада юртда Осмон тартиблари бузилади: бемаврид ёмғир куяди, кутилмагандагу ёки сивуқ бошланади, шамол туриб, ерда тошқин ва касалликлар тарқалади. Осмон-Ер-Одам ўртасидаги илоҳий яқинлик, уйғунлик-камолат бузилади, ҳалқ бошига фалокатлар ёғилади. Оилалар гамга ботиб, ҳовлиларда норозилик кучаяди, ҳалқ кимга арз қилишини билмай қолади. Подшоҳ (хукмдор)-ота, амалдорлар-энага, ҳалқ эса уларнинг фарзандлариридир. Подшоҳ (хукмдор) ота каби амалдорлари (энагалари) орқали ҳалқни, юртни идора этади. Агар подшоҳ (хукмдор) хуш ахлоқ ва адолатпеша бўлсаю амалдорлар бад ахлоқ, зўравон бўлса, ҳалқ зулм остида қолади. Шунинг учун

<sup>1</sup> Искусство властвовать.–М.: «Белые альвы», 2001.–С.128.

<sup>2</sup> Ўша китоб. –С.133-134.

<sup>3</sup> Ўша китоб. –С.134.



нафақат подшоҳ (хукмдор)нинг ўзи, шу билан бирга унинг амалдорлари ҳам хуш ахлоқ ва адолатпеша бўлмоғи вожибдир. Амалдорларига нисбатан ўрни келганида қаттиқ қўл, ўрни келганида раҳмдил бўлиш подшоҳ (хукмдор) измидадир. «Қанча қатта бўлса-да, – деб маслаҳат беради мутафаккир подшоҳ (хукмдор)ларга, – атайин қилинмаган айни кечиринг, бу раҳмдилликдир. Қанча кичик бўлса ҳам атайин қилинган айб учун жазоланг, бу қаттиқўлликдир... Амалдорларга хукм бера туриб, уларнинг амалларини қаттиқ назорат қилинг, ана шунда бошқариш ягона тартибда амалга оширилади».<sup>1</sup> Бироқ, унутмаслик зарурки, подшоҳ (хукмдор)нинг ўзи қабул қилган қонунларига итоат қилиши шарт. Ўз қонунларини менсимаган подшоҳ (хукмдор)ни фуқаролари баттар менсимайди. Шунингдек, «тез-тез ўзгартириладиган қонунлар билан ҳалқни юпатиш, амалдорларни тўғри ишлатиш қийин; бундай қонунларни умуман қабул қилмаган маъқул».<sup>2</sup>

Ли Гоу яшаган даврда ҳалқнинг аҳволи, турмуш кечириши оғир бўлган, шу боис у, «халқ - ғофил ва жиноятларга мойил», деб ёзади. Шунинг учун у жиноятчиларга амнистия беришга, қамоқни жарима билан алмаштиришга қарши чиқади. «Оилада қамчини сусайтираслик, давлатда жазони бекор қилмаслик, Осмон остида жазо отрядларининг юришларини бекор қилмаслик лозим»<sup>3</sup>, деган таклифлари олимни зўравонлик тарафдори қилиб кўрсатади. Олим ҳалқ ҳаёти, турмуши учун амалдорлар бевосита маъсулдир, деган гояни илгари суради. Агар ерлар ҳайдалган, бугдой экилган, кишилар шод меҳнат қилаётган, йигим-терим ўз вақтида ўтказилаётган бўлса, ноадолат камалганлар учрамаса, демак амалдорлар тақдирланишга лойик, мабодо барчаси тескари бўлса, ҳалқ подшоҳ (хукмдор)га қарши чиқса, булар амалдорлар жинояткорона амалларининг натижасидир...

Ли Гоунинг бошқариш ҳакидаги қарашлари конфуцийлик анъаналарини шунчаки давом эттиришдан иборат эмас, у ўша пайтда Хитой империясида ўтказилаётган ислоҳотлар талаблари билан уйғунлашган.

<sup>1</sup> Искусство властвовать. –М.: “Белые альвы”, 2001. –С.152.

<sup>2</sup> Ўша китоб. –С.147.

<sup>3</sup> Ўша китоб. –С.155.

## **Хулоса**

Одатда рисола учун хулосані үқувчи «ёзиши» керак. Аммо мұалліф, бу табиий ҳол, илмій мактаблар, таълимотлар билан танишгач, уларни тағсив қылғач, ёритгач ниманидір үқувчига айттолмаётганини, ўрганган мавзуга, муаммога ниманидір күшиши зарурлигини сезади. Хулоса ана шу әхтиёж натижасидір.

Хүш, конфуцийликдан биз қандай хулоса чиқаришимиз мүмкін?

**Бириңчилан**, сиёсий-фалсафий ва ижтимоий-хұкукый таълимотлар ичидағы бирорта қарааш, мактаб жамият ва давлатни бошқариш, борлықни такомиллаштириш, Осмон билан Ер ўртасида ва кишилараро мұносабатларда камолатта эришиш – инсонни маңнавий такомиллаштиришга, унинг тарихий-мәданий тажрибаларға содиқ-лигига боғлиқлигини конфуцийлик каби изчиллик ва собирлик билан ҳимоя қылымаган.

**Иккىнчилан**, Конфуций таълимотини уңдан кейинги авлодлар әзтьікод, ҳатто дин даражасига күтаришади. Аммо Устоз аник-равшан, фойдали фикрлашға, ижтимоий ҳаёт күн тартибига қўйған муаммоларни ҳал этишга, бу борада ақлу идрокни мавхум, илохий түшпүнчалар ва категорияларга буркашга эмас, балки ён-атрофидаги кишилар дүч келаётган машаққатларни, реал масалаларни ҳал этишга мойил бўлған. Хитой халқининг конфуцийликни диний қарааш даражасига кўтаргани унинг илохийлашишга интилгани эмас, балки аник-равшан, фойдали фикрлашға, Устознинг реал муаммоларни ҳал этишга интилишини кўллаб-кувватлаши ифодасидир.

**Учинчилан**, Шаркни Фарбга, Фарбни Шарққа қарши қўйиш ёки улар ўртасидаги фарқларни излаш одатларидан воз кечиш зарур. Инсоният мәданиятларни, цивилизацияларни уйгунаштириш, улардаги тараққиёттага хизмат қилувчи фойдали, прогрессив муштарақликларни топишга интилмокда. Ушбу ёндашишгина кишилик жамиятими чексиз инқизорзлар гирдобига гарқ бўлишдан, умумпланетар ҳалокатдан саклаб қолиши мүмкін.

**Тўртингчилан**, конфуцийликда жамият ва давлат ҳали бирбиридан фарқ қилувчи институтлар, воқелик сифатида қаралмайды. Гоҳо унда подшоҳ (хукмдор) ҳалқ (авом)дан функционал ва субординационал фарқ қиласидан ижтимоий қатлам экани таъкидланади. Аммо, улар антогонистик институтлар, синфлар сифатида эмас, балки Осмон иродасини, талабларини Ерда қарор топтирувчи кучлар сифатида тилга олинади. Айнан Ердаги кучларнинг ўзаро муросада, консенсусда яшashi Осмон билан Ер ўртасидаги якинликни, камолотни, демак, Ерда ҳаётнинг баркарор воқелик сифатида муаббадлигини таъминлайди. Жамият ва давлатни бир-



биридан фарқлаш, ҳатто уларни бир-бирига карши кўйиш синфлар ҳакидаги назарияларнинг пайдо бўлиши оқибатида юзага келган.

**Бешинчидан**, инсон тараққиёт ва ўзгаришларнинг ҳам субъекти, ҳам обьекти экани энди ҳаммага маълум. Бу фикр барча тузумлар, жамиятлар, давлатларга баб-баробар тааллуклидир. Аммо айнан бутун, демократик принциплар умумисоний қадриятларга айланаштирилган бир пайтда, инсоннинг ижтимоий ҳаётнинг, жамият ва давлатни бошқаришнинг субъекти ва обьекти сифатида тўлақонли яшашини таъминлаш мувоффиги айланмоқда. Диний фанатизм, экстремизм, гегемонизм маълум бир ҳудудлар ва давлатларда инсоннинг яшаш ҳукуқини ҳам ҳавф остида қолдирмоқда. Конфуцийликдаги ўзаро муроса, консенсус билан яшаш ҳакидаги қарашлар маданиятлараро ва цивилизациялараро мулокотларда бош мақсад килиб олинishi даркор. Ҳудди ушбу қарашлар жамият ва давлатни бошқаришга, ушбу жараёнга кишиларни жалб қилиш ҳамда уларни ижтимоий ҳаётнинг фаол субъектларига айлантиришга ҳам тааллуклидир. Тўғри, конфуцийликдаги жамият ва давлатни Осмон ўғли, алоҳида гуруҳ бошқаришга қодир деган фикр бугунги ҳаётимизга тўғри келмайди. Лекин бугун жамият ва давлатни бошқаришда юқори малакали, иқтидорли кадрларга, профессионал менежерларга эҳтиёж юқори эканини ҳам ҳеч ким инкор қилолмайди.

**Олтинчидан**, конфуцийликда жамият ва давлатни бошқариш инсон (подшоҳ, ҳукмдор, амалдор)нинг ўзини ўзи ахлоқий-маънавий тарбиялашига, такомиллаштиришига боғлиқ деган гуманистик гоя, ёндашув илгари сурлади. Ижтимоий-сиёсий институтларни эмас, айнан инсонни такомиллаштириш масаласи изланишлар марказига кўйилади. Шунинг учун ҳам Ли Гоу беҳуда «бошқариш – бу инсонийликдир» деб таъкидламайди. Ушбу ёндашув қанчалик мұҳим ва олиjanоб бўлмасин, у ижтимоий-сиёсий институтлар фаолиятини ҳам мудом такомиллаштириб боришини рад этолмайди. Аммо бугун юзага келаётган баъзи қарашлар шундаки, кишилар, жамият кўпроқ институционал ўзгаришларга маҳлиё бўлиб қолмоқда. Жамият ва давлатни бошқариш ишларида ибратли, эзгуликка йўғрилган, кишиларда инсоний фазилатларни, ахлоқий-ҳукукий нормаларни шакллантиришга, инсон маънавиятини юқори боскичга кўтаришга қаратилган янги модел борлиги бир мунча бўлса ҳам сезилмайди. Инсоният бугун ижтимоий-ҳукукий изланишларида ибрат оладиган, тақлид қиласиган ва эргашадиган Конфуций каби Устозларга, комилу оқил инсонларга муҳтоҷ. Шу пайтгача инсоният етук тимсолларни тарихдан, ўтмишдан ахтариб келди, энди уларни ўзимиз етиштиришимиз, тарбиялашимиз ва ўзимиз ҳам шундай баркамол инсон бўлишга талпиниб яшашимиз лозим. Ҳа, умр киска, лекин у эзгу амаллар билан яшашга мудом етарлидир.

## Адабиётлар рўйхати

1. Щуцкий Ю.К. Китайская классическая книга перемен. Ицзин. –М.: «Русское книж. изд-кое твор-во», 1993. – 382 с.
2. Радуль-Затуловский Я.Б. Конфуцианство и его распространение в Японии. –М. Л.: изд. АН СССР, 1947. – 450 с.
3. История древнего Востока. От ранних государственных образований до древних империй. –М.: «Вост. лит-ра» РАН, 2004. – 896 с.
4. Васильев Л.С. Проблемы генезиса китайского государства. – М.: Восточная лит-ра, 1983. – 294 с.
5. Переломов Л.С. Конфуцианство и легизм в политической истории Китая. –М.: «Наука», 1981. – 312 с.
6. Кычанов Е.И. Властители Азии. –М.: «Восточная лит-ра», 2004. – 631 с.
7. Бхагаван Шри Раджниш. Дао путь без пути . Т.1. –М.: 1994. –432 с.
8. Юрчук В.В. Конфуций. –Мн.: «Современное слово», 1998. – 384 с.
9. Мудрецы Поднебесной. –Симферополь, «Реноме», 1998. – 384 с.
10. Лукьянов А.Е. Становление философии на Востоке. Древний Китай и Индия. –М.: «Инсан», 1992. – 208 с.
11. Искусство властвовать. –М.: "Белые альвы", 2001. – 288 с.
12. Алимасов В. Конфуций// «Шарқ юлдузи», 2005, 2-3-сон. - 175-178 б.
13. Алимасов В. Конфуций ва Шарқ давлатчилиги. //Ўзбекистонда миллий давлатчилик назариясининг тарихий-фалсафий ва хуқуқий асослари. –Т.: 2005. –40-44 б.
14. История китайской философии. –М.: “Прогресс”, 1989. – 552 с.
15. Одам ва олам (Хикматли сўз ва иборалар тўплами). –Т.: 2005. –48 б.

## **Мундарижа**

Кириш.....	3
1-§. Конфуцийликнинг ижтимоий-тарихий ва назарий асослари.....	5
2-§. Конфуцийнинг сиёсий-фалсафий қараашлари.....	12
3-§. Конфуцийнинг «идеал подшоҳ (хукмдор)» ҳақидаги қараашлари.....	21
4-§. Конфуцийликда адолат ғоялари.....	30
5-§. Лю Шао ва унинг иқтидорлар ҳақидаги қараашлари.....	35
6-§. Ли Гоу давлатни бошқариш ҳақида.....	46
Хулоса.....	52
Адабиётлар рўйхати.....	54

ВИКТОР АЛИМАСОВ

**КОНФУЦИЙЛИК ВА ШАРҚ ДАВЛАТЧИЛИГИ**

**Фалсафий илмий-оммабоп нашр**

Мусаҳҳилар:

Н.Бекмуродов, А.Холмуродов

Компьютерда сақифаловчи:

Ж.Аликулов

*Ушбу қўлланма ЎзР ФА И.Мўминов номидаги  
Фалсафа ва ҳуқуқ институти нашриёт бўлимида тайёрланди*

Босишга рухсат этилди: 31.05.2006 й.

Буюртма – 22. Бичими – 84/108.

Шартли босма табоги – 3,5 б.т.

Адади – 500 нусха

Баҳоси келишилган нархда

---

*Фалсафа ва ҳуқуқ институти ризографида чоп этилди.  
Манзил: 700170, Тошкент шаҳар, И. Мўминов кўчаси, 9-уй.*